

本  
草  
從  
新

本草從新卷十四目錄

水部 天水類十六種

立春雨水二節內水

驚蟄春分清明穀雨四節內水

小滿水 梅雨水 重午日午時水

神水

立秋處暑白露秋分四節內水

寒露水 霜降水

液雨水 大雪冬至小寒大寒及臘日水

明水

露水 霜 臘雪 冰

地水類十七種

濱水 半天河水 流水 井泉水 醴泉

玉井水 乳穴水 溫泉 阿井水 山巖泉水

海水

地漿

百沸湯

生熟湯

壅水

飭氣水

銅壺滴漏水

本草從新卷十四

水部 天水類 地水類

立春雨水二節內水 升陽

甘平宜煎中氣不足清陽不升之藥 醫學正傳云其性始是春初生發之氣古方婦

人無子立春日夫婦各飲一杯還房有孕亦取其資始發育萬物之義也

驚蟄春分清明穀雨四節內水 升陽

甘平宜煎發散及補中益氣藥並浸造諸風及脾胃虛弱諸

丹丸 自立春至穀雨水輕清上行補中而治陽氣下陷諸證最有益於脾胃宜多貯之

小滿水

有毒壞豆麥桑葉 鷺食之多不熟造藥釀酒醋一應食物皆易敗壞

人飲之亦生脾胃疾

鹹雨

小滿節氣前後逢癸日有雨爲鹹雨其毒尤甚

梅雨水

有毒甚消伐洗瘡疥滅癰痕入醬易熟

藏器曰江淮以南地氣卑溼五月上旬連

下旬尤甚過此節以後皆須曝書畫梅雨沾衣便腐黑澀垢如灰汁有異他水但以梅葉湯洗之乃脫時珍曰梅雨或作徽雨言其沾衣及物皆生黑霉也芒種後逢壬爲入梅小暑後逢壬爲出梅此溼熱之氣鬱遏薰蒸釀爲霖雨人受其氣則生病物受其氣則生霉故此水不可以造酒醋

重午日午時水

解毒殺蟲

宜造癰痢瘡瘍金瘡百蟲蠱毒諸丹丸用此水煎殺祟藥其

效尤神

神水

消積清熱

甘寒治心腹積聚及蟲病和獼升爲丸服又飲之清熱化痰

定驚安神

金門記云五月五日午時有雨急伐竹竿中必有神水漚取爲藥○以上三月水大抵能助溼熱不

宜附之

立秋處暑白露秋分四節內水

潤肺

宜煎肅清肺氣之藥

溼熱漸退得秋金清肅下行之氣可多貯之

寒露水

有毒壤禾稻

諺云寒露雨儉稻鬼

人飲之多致疾與小滿水同

霜降水

瀉熱

感天地肅殺之氣惟陽氣有餘者宜用此煎藥

液雨水

殺蟲消積

宜煎殺蟲消積之藥

立冬後十日爲入液至小雪爲出液得雨謂之液雨亦曰藥雨百蟲飲此皆伏

蟄至來春雷鳴起蟄乃出也

大雪冬至小寒大寒及臘日水

瀉熱

宜浸造滋補五臟及痰火積聚蟲毒諸丹丸並煮釀藥酒與

雪水同功

時珍以貯水於二十四節氣因天地之氣候相感水之氣味隨之變遷故以節氣水入地水類洛謂

不然畢竟天雨水感天地之氣候爲尤準今入天水類庶可按時令而擇用之爾

明水一名方諸水○補陰

甘寒主治明目定心止渴去小兒煩熱

時珍曰明水者取其清明純潔敬之至也

周禮司烜氏以夫燧取明火於日鑑取明水於月以供祭祀魏伯陽參同契云陽燧以取火非曰不生光方諸非星月安能得水漿淮南子云方諸見月則津而爲水註者或以方諸爲石或以爲大蚌或以爲五石鍊成皆非也按考工記云銅

錫相半謂之鑑燧之劑是火為燧水為鑑也高堂隆云陽燧一名陽符取火於日陰燧一名陰符取水於月並以金作之謂之水火之鏡此說是矣搜神記云金錫之性一也下月丙午日午時鑄為陽燧子月壬子日子時鑄為陰燧

露水 潤肺解暑

甘平止消渴宜煎潤肺之藥秋露造酒最清冽百花上露令

人好顏色

霜殺物露滋物性隨時異他露能解暑故白露降則處暑矣瘧必由暑故治瘧藥露一宿服

霜 熇熱

甘寒解酒熱治傷寒鼻塞酒後諸熱面赤和蚌粉敷暑月癩

瘡及腋下赤腫立瘥

時珍曰陰盛則露凝為霜乾象占云天氣下降而為露清風薄之而成霜

凡收霜以雞羽掃之瓶中密封陰處久而不壞

臘雪

止瘟熇熱



甘寒治時行瘟疫宜煎傷寒火喝之藥抹痈良 臘雪密封

陰處數十年亦不壞

冬至後第三戌為臘臘雪大宜茶麥又殺蟲蝗用水浸五穀種則耐旱不生蟲

麗几席間則蠅自去淹藏一切果食不蛀蠹豈非除蟲蝗之驗乎 春雪有蟲水亦易敗所以不用

冰 瀉熱

甘寒太陰之精水極似土變柔為剛所謂物極反兼化也傷

寒陽毒熱甚昏迷者以一塊置臚中良

兩乳中間解燒酒毒日盛

夏食冰與氣候相反冷熱相激卻致諸疾也食譜云凡夏用冰止可隱映飲食令氣涼耳不可食之雖當時暫快久乃成疾也宋徽宗食冰太過病脾疾國醫不效召楊介進大理中丸上曰服之屢矣介曰疾因食冰臣請以冰煎此藥是治受病之原也果愈若此 可謂活機之士矣 以上天水類

療水

甘平宜煎調脾胃去溼熱之藥

仲景治傷寒瘀熱在裏身發黃麻黃連軹赤小豆湯煎用

潦水者取其味薄不助溼氣利熱也

降注雨水為潦

韓愈詩潢潦無根源朝灌夕已除○又淫雨為

潦反助溼熱不可用

半天河水

甘微寒治鬼疰狂邪惡毒洗諸瘡主蠱毒殺鬼精恍惚妄語

與飲之勿令知之槐樹間者主諸風及惡瘡風瘙疥癢

名上池水

此竹籬頭水及空樹穴中水也戰國策云長桑君飲扁鵲以上池之水能洞見臍腑註云上池水半

天河水也

流水

時珍曰天下之水滅火濡枯則同至於性從地變質與物遷未嘗同也

千里水

東流水

甘爛水

用流水以飄揚萬遍故又名勞水

甘平主五勞七傷腎虛脾弱陽盛陰虛目不能瞑及霍亂吐

利傷寒後欲作奔豚

藏器曰千里水東流水皆堪蕩滌邪穢煎煮湯藥思邈曰江水流泉遠涉順勢

歸海不逆上流用以治頭必歸於下故治五勞七傷羸弱之病煎藥宜以陳蘆勞水取其水不強火不盛也無江水則以千里東流水代之如涇渭之類時珍曰勞水即揚汎水仲景謂之甘爛水用流水二斗置大盆中以杓高揚之千萬遍有沸味相逐乃取煎藥蓋水性本鹹而體重勞之則甘而輕取其不助腎氣而益脾胃也醫學正傳云甘爛水甘溫而性柔故烹傷寒陰證等藥用之順流水性順而下流故治下焦腰膝之證及通利大小便之藥用之急流水湍上峻急之水其性急速而下達故通二便風痹之藥用之宗奭曰東流水取其性順疾速通隔下關也張從正曰昔有患小便閉者衆工不能治令取長川急流之水煎前藥一飲立洩水可不擇乎

逆流水

性逆而倒上治

中風卒厥頭風瘡疾咽喉諸病宣吐痰飲

井泉水

補陰

新汲者療病宜人

若停汚濁暖非直無益亦且損人

解熱悶煩渴平日第一

汲爲井華水其功極廣涼能清熱甘可助陰宜煎補陰藥及

氣血痰火藥

凡井水有遠從地脈來者爲上有從近處江湖

須煎接停一時候鹹澄乃用之否則氣味俱惡不堪入藥食茶酒也雨後水渾須播入桃杏仁澄之

醴泉

甘平治心腹痛疰忤鬼氣邪穢之屬並就泉空腹飲之又止

消渴反胃霍亂亦以新汲者爲佳

一名甘泉

時珍曰醴薄酒也泉味如

之故名出無常處王者德至淵泉時代昇平則醴泉出可以養老孫柔之瑞應圖云醴泉井之精也味甘如醴流之所及草木皆茂飲之令人多壽東觀記云光武中元元年醴泉出京師人飲之者痼疾皆除

玉井水

甘平久服神仙令人體潤毛髮不白

藏器曰諸有玉處山谷水泉皆是也山有玉而

草木潤身有玉而毛髮黑玉既重寶亦又靈長故有延生之望今人近山多壽者豈非玉石津液之功乎太華山有玉水

涵下土人得服之多長生

乳穴水

甘溫久服肥健人能食體潤不老與鍾乳同功 近乳穴處

流出之泉也

人多取水作飲釀酒大有益其水濃者稱之重於他水煎之上有鹽花此真乳液也

溫泉 一名溫湯

辛熱微毒治諸風筋骨攣縮及肌皮頑痺手足不遂無眉髮

疥癬諸疾在皮膚骨節者入浴浴訖當大虛憊可隨病與藥

及飲食補養非有病人不宜輕入

汪穎曰廬山有溫泉方士往往教患疥癬風癩楊梅

瘡者飽食入池久浴得汗出乃止旬日自愈也藏器曰下有硫黃卽令水熱猶有硫黃臭硫黃主諸瘡故水亦宜然當其熱處可燂豬羊熟雞子也胡任漁隱叢話云湯泉多作硫黃氣浴之則襲人肌膚唯新安黃山是硃砂泉春時水卽微紅色可煮茗長安驛山是礬石泉不甚作氣也硃砂泉雖紅而不熱當是雄黃爾有礬石處亦有湯泉浴之有毒

### 阿井水

甘鹹平下膈疏痰止吐

阿井在兗州陽穀縣卽古東阿縣

也

筆談云古說濟水伏流地中今歷卜凡發地下皆是流水東阿亦濟水所經其性趨下清而且重用攪濁水則清故以治療濁及逆上之痰也又青州范公泉亦濟水所注其水用造白丸子利膈化痰

### 山巖泉水

甘平治霍亂煩悶嘔吐腹空轉筋恐入腹宜多服之

名曰洗腸勿令

腹空空則更服人皆懼此然嘗試有效但身冷力弱者防致臟寒當以意消息之

此山巖土石間

所出泉流爲溪澗者也

爾雅云水正出曰澗泉懸出曰沃泉反出曰汎泉其泉源遠清冷或山有

玉石美草木者爲良其山有黑土毒石惡草者不可用陸羽茶經曰凡瀑涌激湍之水飲之令人有頸疾汪穎曰昔在潯陽忽一日城中馬死數百詢之云數日前雨洗山山谷蛇蟲之毒馬飲其水然也

海水

鹹微溫有小毒煮浴去風癢癰飲一合吐下宿食臃脹

地漿

一名土漿○瀉熱解毒

甘寒治泄痢冷熱赤白腹內熱毒絞痛解一切魚肉菜果藥

物諸菌毒

菌音郡生朽木及溼地上亦名葦蕪樹上菌食之令人笑不休服此卽解

及蟲蟻入腹

誤食馬蝗蟻入腹生子用此下之

中暍卒死者

取道上熱土圍臍令人尿其中仍用熱土大蒜等分搗末

去渣灌之卽活衛生寶鑑云中暑霍亂乃暑熱內傷七情迷亂所致陰氣靜則神藏躁則消亡非至陰之氣不愈坤爲陰

地屬陰土曰靜順地漿作於牆陰坎中爲陰中之陰能瀉陽中之陽也

掘黃土地作坎深三

尺以新汲水沃入攪濁少頃取清用

食黃魚蟹犯荊芥能害人服地漿解之

百沸湯

宣助陽氣

助陽氣行經絡

任穎曰熱湯須百沸者佳若半沸者飲之反傷元氣作脹宗奭曰熱湯能通經絡患風冷

氣痺人以湯淋

至膝上厚覆取汗周身然別有藥特假陽

氣而行爾四時

暴瀉痢四肢臍腹冷坐深湯中浸至腹上頻

頻作之生陽諸藥

無速於此虛寒人始坐湯中必顫仍常令

人同守之張從正

曰凡傷風寒酒食初起無藥便飲太和湯

盃許或酸薑汁

亦可以手揉肚覺恍惚再飲再揉至無所容

探吐汗出則已

時珍曰仲景治心下痞按之濡關上脈浮天

黃黃連瀉心湯

用麻沸湯煎之取其氣薄而洩虛熱也朱真

人靈驗篇云有人

患風疾數年掘坑令坐坑內解衣以熱湯

淋之良久以簾蓋

之汗出而愈此亦通經絡之法也時珍常

推此意治寒溼加

艾煎湯治風虛加五枝或五加煎湯淋洗

覺效更速也初菴

曰感冒風寒而以熱湯澡浴亦發熱之一

法故內經亦有可

湯熨可浴及摩之浴之之文○備急方治



心腹卒脹痛欲死煮熱湯以漬手足冷即易之

一名太和湯一名麻沸湯

蛇繞不解以熱

湯淋之即脫忤惡卒死銅瓦器盛熱湯隔衣熨其腹冷即易

生熟湯

一名陰陽水。宣和陰陽

調中消食治霍亂吐瀉有神功

時珍曰上焦主納中焦腐化下焦主出三焦通利陰陽調

和升降周流則臟腑暢達一失其道二氣淆亂濁陰不降清陽不升故發為霍亂嘔吐之病飲此湯輒定者分其陰陽使得其平也按霍亂有寒熱二證倉卒患此脈候未審慎勿輕投偏熱偏寒之劑曾見有服薑湯而立斃者唯飲陰陽水為最穩霍亂邪在上焦則吐邪在下焦則瀉邪在中焦則吐瀉交作此淫霍亂證猶易治唯心腹絞痛不得吐瀉名乾霍亂俗名絞腸痧其死甚速古方用鹽熬熱童便調服極為得治勿與穀食即米飲下嚙亦死

以新汲水百

沸湯合一盞和勻

蠶水

涌吐

酸鹹吐痰飲宿食酸苦涌泄爲陰也 此乃作黃蘗菜水也

飮氣水 潤利肌膚

以器盛取沐頭長髮令黑潤朝朝用梳摩小兒頭久覺有益

小兒諸疳偏身或面上生瘡爛成孔白如大人楊梅瘡百藥不效用蒸糯米飮氣水掃瘡上不數日卽愈

銅壺滴漏水 通能升能降

性滑土可至顛下可至泉宜煎四末之藥

說文曰漏以銅壺受水刻節晝夜百

刻周禮周官曰挈壺氏掌壺以水火守之分以日夜及冬則以火爨鼎水而沸之而沃之鄭康成曰冬水凍故以火炊水沸以沃之謂沃漏也後漢張衡漏水轉渾天儀制日以銅爲器再疊差置實以清水下各開孔以玉虬漏水入兩壺右爲夜左爲晝宋會要曰漏刻之法有水秤以木爲衡衡上刻疏之曰天河其廣長容水箭箭有四以木爲之長三尺有五寸著時刻更點納於天河中晝夜更用之又曰天聖八年燕肅上蓮花漏法其制琢石爲四分之壺刻木爲四分之箭以測

十二辰二十四氣四隅十千百刻分布晝夜成四十八箭其  
箭一氣一易二十四氣各有晝夜故四十八箭又為水匱置  
銅湯烏引水下注銅荷中插石壺旁銅荷承水自荷莖中漚  
瀉入壺壺上當中為金蓮花覆之花心有竅容箭下插箭首  
與蓮心平渴烏漏下水入壺一分浮  
箭上湧一分至於登刻盈時皆如之以上地水類

本草從新卷十五 目錄

火土部 火類十種

桑柴火 炭火 瀝火竹火 燈火 燈花

艾火 神鍼火 火鍼 燧火 陽火陰火

土類十種

白堊 黃土 伏龍肝 東壁土 罌 釜臍墨

百草霜 梁上塵 鹼 孩兒茶

本草從新卷十五

火土部 火類 土類

桑柴火

主治癰疽發背不起瘀肉不腐及陰瘡癰癰流注臙瘡頑瘡然火吹滅日炙二次未潰拔毒止痛已潰補接陽氣去腐生

肌凡一切補藥諸膏宜此火煎之但不可點艾傷肌震亨曰火以暢

達拔引鬱毒此從治之法也時珍曰桑木能利關節養津液得火則拔引毒氣而祛逐風寒所以能去腐生新也抱朴子云一切仙藥不得桑煎不服桑乃箕星之精能助藥力除風寒痺諸痛久服終身不患風疾故也

炭火

櫟炭火宜煨鍊一切金石藥煇炭火宜烹煎炭焙百藥丸散

本草從新

桑柴火

炭火

蘆火竹火

一

火土部  
卷十五

時珍曰燒木爲炭木久則腐而炭入土不腐者木有生性炭無生性也葬家用炭能使蟲蟻不入竹木之根自回亦緣其無生性爾

### 蘆火竹火

宜煎一切滋補藥

時珍曰凡服湯藥雖品物專精修治如法而煎藥者鹵莽造次水火不良火候失度

藥亦無功觀夫茶味之美惡飯味之甘醴皆係於水火烹飪之得失故煎藥須用小心老成人以深羅密封新水活火先武後文如法服之未有不效者火用陳蘆枯竹取其不強不損藥力也桑柴火取其能助藥力煇炭取其力慢慢炭取其力緊溫養用糠及馬尿牛尿者取其暖而能使藥力勻徧也

### 燈火

治小兒驚風昏迷搐搦竄視諸病又治頭風脹痛視頭額太陽絡脈盛處以燈心蘸麻油點燈燂之良外痔腫痛者亦燂

之油能去風解毒火能通經也小兒初生也胃寒氣欲經者勿斷臍急烘絮包之將胎衣烘熱用燈炷於臍下往來燎之暖氣入腹內氣回自甦又燒銅匙柄之烙眼弦內去風退赤甚妙

時珍曰凡燈惟胡麻油蘇子油然者能明目治病其餘諸油燈烟皆能損目亦不治病也

### 燈花

主治敷金瘡止血生肉小兒邪熱在心夜啼不止以二三顆

燈心調抹乳吮之

時珍曰昔陸賈言燈花爆而百事喜漢書藝文志有占燈花術則燈花固靈物也錢

乙用治夜啼其亦取此義乎明宗室富順王一孫嗜燈花但聞其氣即哭索不已時珍診之曰此癖也以殺蟲治癖之藥

丸服一料而愈

### 艾火

灸百病若灸諸風冷疾入石硫黃末少許更妙

凡灸艾火者宜用陽燧火

珠承日取太陽真火其次則用槐取火爲良若急卒難備卽用真麻油燈或蠟燭火以艾莖燒點於炷艾潤灸瘡至愈不痛也其裏金擊石鑽燧入木之火皆不可用邵子皇極經世書云火無體因物以爲體金石之火烈於草木之火是灸入木者松火難瘥栢火傷神多汗桑火傷肌肉松火傷氣脈竅火傷肉叶血槁火傷營衛經絡榆火傷骨失志竹火傷筋員目也南齊書載武帝時有沙門從北齊賁赤火來其火赤於常火而小云以療疾貴賤爭取之灸至七炷多驗吳興楊道慶虛疾二十年灸之卽瘥咸稱爲聖火○陽燧時珍曰火鏡詔禁之不止不知此火何物之火也○火珠時珍曰說文其面凹摩熱向日以艾承之則得火周○火珠謂之火齊珠漢書謂之玫瑰音校回唐書云東南海中有維刺國出火齊珠大者如雞卵狀類水精圓白照數尺日中以艾承之則得火用灸艾性不傷人今古城國有之名朝霞大火珠

申歲火通祛風寒



治心腹冷痛風寒濕痺附骨陰疽凡在筋骨隱痛者鍼之火

氣直達痛所甚效

時珍曰神鍼火者五月五日取東引桃枝削爲木鍼如雞子長五六寸乾之用時以

綿紙三五層襯於患處將鍼蘸麻油點着吹滅乘熱鍼之

雷火神鍼

熟艾葉末二兩乳香沒藥穿山甲硫黃草烏頭川烏頭桃樹皮末各一錢麝香五分爲末拌艾以

厚紙裁成條鋪藥艾于內緊卷如指大長三四寸收貯瓶內埋地中七日取出用時於燈上點着吹滅隔紙十層乘熱鍼於患處熱氣直入其效更速並忌冷水

火

鍼通祛風

治風寒筋急攣引痺痛或癱緩不仁者鍼下疾出急按孔穴則疼止不按則疼甚癰塊結積冷病者鍼下慢出仍轉動以發出汚濁癰疽發背有膿無頭者鍼令膿潰勿按孔穴凡用

火鍼太深則傷經絡太淺則不能去病要在消息得中鍼後

發熱惡寒此爲中病凡面上及夏月濕熱在兩脚時皆不可

用此

時珍曰素問云病在筋調之筋燔鍼劫刺其下及筋急

所發諸痹痛皆云治在燔鍼劫刺以知爲度以痛爲輸又云

經筋之病寒則反折筋急熱則縱弛不收陰痿不用燔刺者

燔寒急也縱緩不收者無用燔鍼觀此則燔鍼乃爲筋寒而

急者設以熱治寒正治之法也而後世以鍼積塊亦假火氣

以散寒涸而發出汚濁也或以治癰疽者則是以從治之

法潰泄其毒氣也而昧者以治傷寒熱病則非矣張仲景云

太陽傷寒加溫鍼必發驚營氣微者加燒鍼則血流不行更  
發熱而煩燥太陽病下之心下痞表裏俱虛陰陽俱竭復加  
鍼之理而謬用以致害人也又凡肝虛目昏多淚或風赤及  
生翳膜頑厚成病後生白膜失明或五臟虛勞風熱上衝於  
目生翳病宜熨烙之法蓋氣血得溫則宣流得寒則是僞故  
也其法用平頭鍼如孔大小燒赤輕輕當  
翳中烙之烙後翳破即用除翳藥敷點

火鍼素問謂之

燔鍼粹鍼張仲景謂之燒鍼川蜀人謂之煨鍼其法麻油滿七莖點燈將鍼頻塗麻油燈上燒令通赤用之不赤或令則不能去病反損人也其鍼須用火筋鐵造之爲佳點穴墨記差則無功

# 燧火

太古燧人氏上觀下察鑽木取火教民烹飪使無疾病用心至深切矣木爲火母其性不燥後世擊石取火其性燥烈且

今人多嗜煙酒所以患燥火之證者甚多

時珍曰周官司權氏掌行火之政令

四時變國火以救時疾季春出火季秋納火民咸從之蓋人之資於火食者疾病壽夭係焉四時鑽燧取新火以爲飲食之用依歲氣而使無亢不及所以救民之時疾也榆柳先百木而青故春取之其火色青桑柝之木心赤故夏取之其火色赤柝櫨之木理白故秋取之其火色白槐檀之木心黑故冬取之其火色黑桑柝之木肌黃故季夏取之其火色黃天

燧火

陽火陰火

火土部

文大火之次於星爲心季春龍見於辰而出火於時爲暑季秋龍伏於戌而納火於時爲寒順天道而百工之作息皆因之以免水旱災殃之流行也

陽火陰火

五行皆有陰陽而火之陰陽爲尤著時珍曰火者有氣而無質其綱凡三其目凡十有二所謂三者天火地火人火也所謂十有二者天之火四地之火五人之火三也試申言之天之陽火二太陽眞火也星精飛火也亦物噉噉降則有災俗呼火殃天之陰火二龍火也雷火也龍口有火光霹靂之火神火也二火必陰雲同合大雨降注乃見若太陽一照則龍潛雷伏有人病火屬龍雷者地之陽火三鑽木之火也惟當益火之原萬不可用涼藥地之陰火二石油之火也昨夢錄云石腦擊石之火也戛金之火也地之陰火二石油之火也

油出高麗東日烘石熱所出液也惟眞琉璃器可貯之入水

水涓滴則

焰速發餘力入水魚鱉皆死邊人用以禦敵

中之火也

江湖河海夜動有火蘇軾夜宿金山寺詩

人之陽

火二君火也相火也人之陰火一失位之火也

內經云君火以明相火以

位腎中陽虛則火不安其位而飛走猶龍雷之火也

合而言之陽火七陰火五其十有

二焉諸陽火遇草而炳得木而燔可以濕伏可以水滅諸陰

火不焚草木而流金石得溼愈焰遇水益熾以水折之則光

焰詣天物窮方止以火逐之以灰撲之則灼性自消光焰自

滅故人之善反於身者上體於天而下驗於物則陽火陰火

正治從治之理思過半矣此外又有蕭邱之寒火

蕭邱在南海中土有

自然之火春生秋滅生一種木但小焦黑出抱林子外篇又

陸游云火山軍其地鋤耘深入則有烈焰不妨種植亦寒火

五 水土部

也澤中之陽焰狀如火焰起於水素問註野外之鬼燐其火色青其狀如炬或聚

或散望之則有就之則無俗呼鬼火或云諸血之燐光也金銀之精氣凡金銀寶玉此皆

似火而不能焚物者也至於樟腦見香部獾有獸名曰獾其

髓入油中油即沾水生火不可救止以酒噴之即滅不可於

屋下收故曰水能生火非滑髓而莫能時珍曰此獸之髓水

中生火與樟腦相同其功亦當濃酒積油得熱則火自生酒

與樟腦相似也第人無識之者得熱蒸激皆自止火○積米熱蒸麻皮熱蒸亦致生火南

荒有厭火之民國近黑崑崙食火之獸原化記云禍斗狀如

能燒人屋西戎有食火之鳥後魏書云波斯國有鳥形如鴉能飛

西域記云富浪有大鳥駝蹄高丈餘食火炭卵大如升鄭曉  
云洪武初三佛國貢火雞大於鶴具三四尺頸足亦似鶴銳  
嘴軟紅冠毛色如青羊足二指火鴉蝙蝠能食火烟火龜火  
利爪能傷人腹致死食火炭

鼠生於火

火龜火鼠俱生炎地西域記云火鼠出西域及南海火林山有野火春夏生秋冬死鼠產於中

甚大其毛及草木之皮皆可織布汚則燒之即潔名火浣布

此皆五行物理之常而乍聞

者目爲怪異蓋未深詣乎此理故爾蔡九峯止言木火石火

雷火蟲火燐火似未盡該也要之火者內陰而外陽主乎動

者也故凡動皆屬火以名而言形氣相生配於五行故謂之

君以位而言生於虛無守位稟命因其動而可見故謂之相

天主生物故恒於動人有此生亦恒於動動者皆相火之爲

也是君相二火天非此不能生物人非此不能自生也然而

東垣以火爲元氣之賊與元氣不兩立一勝則一負何哉周

子曰神發知矣五性感物而萬事出有知之後五者之性爲

物所感而動卽內經五火也五性厥陽之火與相火相煽則妄動矣火起於妄變化莫測煎熬眞陰陰虛則病故曰相火元氣之賊周子又曰聖人定之以中正仁義而主靜朱子曰必使道心常爲一身之主而人心每聽命焉夫人心聽命而又主之以靜則五火之動皆中節相火惟有裨補造化以爲生生不息之運用爾何賊之有○以上火類

曰聖

音惡○燥濕溫水厥

甘溫治男子水臧令女子子宮冷卒暴咳嗽風赤爛眼反胃

瀉痢

諸土皆能勝濕補脾而白聖能兼入氣分

痲子癢痒

爲未敷之

癰瘡不乾

煨研生油調搽

卽白善土



黃土 燥濕解

甘平治洩痢冷熱赤白腹內熱毒絞結痛下血又解諸瘰毒

中肉毒合口椒毒野菌毒

劉跋錢乙傳云元豐中皇子儀國公病瘰癧國醫未能治長公主舉

乙入進黃土湯而愈神宗召見問其故對曰以土勝水水得其平則風自退惡夷堅志云吳少師得疾數月消瘦每日飲食入咽如萬蟲攢攻且痒且痛皆以爲勞瘵迎明醫張銳診之銳令明旦勿食遣卒詣十里外取行路黃土至以溫酒二升攪之投藥百粒飲之覺痛幾不堪及登溷下馬蝗千餘其半已困死吳亦憊甚調理三日乃安因言夏月出師燥渴飲澗水一杯似有物入咽遂得此病銳曰蟲入食入臟勢必羣生餓則聚啞精血飽則散處臟腑苟知殺之而不能掃取終無益也是以請公枵腹以誘之蟲久不得土味又喜酒故乘饑畢集一洗而空之凡跌打損傷及木石所傷取淨土五升蒸熱以故布重裹作二包更互熨之勿大熱恐破肉痛止則已雖瘀血凝積氣絕欲死者亦活

張司空言

三尺以上曰糞三尺以下曰土凡用當去上惡物勿令入客

水

藏器曰土氣久觸令人面黃掘土犯地脈令入上氣身腫掘土犯神殺令人生腫毒

伏龍肝

重調中止血燥濕消腫

辛溫調中止血去溼消腫治欬逆反胃吐衄崩帶尿血遺精

腸風癰腫

醋調塗

臍瘡

研敷

丹毒

臘月豬脂或雞子白調敷

催生

下胎

子死腹

中水調

三錢服

功專去溼無溼勿用

多年竈心黃土

須用對釜

以下者

東壁土

甘溫治霍亂煩悶洩痢溫瘧療下部瘡脫肛小兒風臍摩乾

溼二癰

隱居曰此屋之東壁上土也常先見日故爾

藏器

曰東

壁先得太陽烘炙故治瘟疫初出少火之氣壯及當午則壯

火之氣衰故不用南壁而用東壁時珍曰昔一女忽嗜河中

污泥曰食數碗玉田隱者以壁間敗土調水飲之遂愈又凡

脾胃溼多吐瀉霍亂者以東壁土新汲水攪化澄清服之即

愈

又凡

脾胃

溼多

墨

止益脾土土喜燥而惡溼故取太陽真火所照之土引真火  
生發之氣補土而勝溼則吐瀉自止也嶺南方治瘴瘧香椿  
散內用南壁土近方治反胃嘔吐用西壁土者或取太陽離  
火所照之氣或取西方收斂之氣然皆不過借氣補脾胃也

辛溫止血

震亨曰墨屬金而有火入藥甚健性又能止血

生肌飛絲壓芒入目濃磨

無之點鼻止衄豬膽汁磨塗諸癰腫

醋磨亦可

酒磨服治胞胎不

下宗奭曰墨松之煙也世有以粟草灰偽為者不可用惟

松煙墨方可入藥惟遠煙細者為佳粗者不可用

釜臍墨

一名釜煤

辛溫治中惡蠱毒吐血血運以酒或水溫服二錢亦塗金瘡

止血生肌消食積舌腫喉痺口瘡陽毒發狂

古方治傷寒黑奴丸用釜底墨

竈突墨梁上塵三物同合  
諸藥為丸其功用相近爾

百草霜  
輕止血消積

辛溫止血  
鼻衄者水調塗之紅見黑則止水尅火也消積治諸血病傷寒陽毒發

狂疽膈癰痢咽喉口舌白禿諸瘡  
時珍曰皆兼取火化從治之法竈突上

煙煤  
其質輕細故謂之霜麗寐卒死水化吹鼻白禿頭瘡和豬脂塗之諸瘡以醋湯洗淨入膩粉少許生油調塗愈

梁上塵  
一名烏龍尾 輕止血消積

辛苦微寒治腹痛噎膈中惡鼻衄小兒輒瘡消食積止金瘡

血出齒斷出血  
時珍曰凡用倒掛塵燒合煙之飭取末入

藥

驗  
為磨積去垢

辛苦瀉溫消食磨積去垢除痰治反胃噎膈點痣磨疣贅與  
灰等分用小麥稭灰汁煎乾爲末鍼刺挑發麩浣衣多用之  
破水調點之三日三上卽去須新合乃效  
取麥蒿之屬浸曬燒灰以原水淋汁每百觔入粉麩二三  
觔則凝定如石

孩兒茶 鴻熱生津消收溼

苦瀉微寒清上膈熱化痰生津止血收溼定痛生肌塗金瘡  
口瘡 礪砂 陰疳痔腫 出南番以細茶末納竹筒埋土中日  
久取出搗汁熬成塊小潤澤者上大而枯者次之 以上土  
類

目錄

十一種

明砂 五靈脂 雀 雀卵

烏骨雞 雉

種

鵝 鶩 鳧 鴈

林禽類二種

斑鳩 鵲

畜類九種

豬

狗

羊

牛

牛黃

黃明膠

阿膠

驢溺

白馬溺

獸類十五種

象皮

犀角

熊膽

羚羊角

鹿茸

角

麝香

貓胞

豬獾

獾肝

膾肭臍

水禽類 林禽類 畜類 獸類 鼠類

痰

大養肺陰化痰止嗽補而能清為調理虛損癆瘵之  
病之由於肺虛不能清肅下行者用此皆可治之

益小兒痘疹

王世懋閩部疏云燕窩菜竟不辨是何物漳海邊已有之燕飛

丁倦則擲置海面浮之若杯身坐其中久之復啣

南雜記云閩之遠海近番處有燕名金絲者

尾似燕而甚小毛如金絲臨卵育子時羣飛近沙泥有

在處啄蠶螺食之有詢海商聞之土番云蠶螺背上肉有雨

以楓蠶絲堅潔而白食之可補虛損已勞瘵故此燕食之

民化而助不化并津液嘔出結為小窩附石上久之與小雛

鼓翼而飛海人依時拾之故曰燕窩而子近聞之漳人殊為

不然燕窩國大海中有高山冬月羣燕來巢其上燕矢之厚



没人雨膝春取小魚累之窩中人取之林中窩毀子墜傾覆  
闌干燕之雌雄羣然悲鳴傷物特甚嗚呼誰為燕窩蔬房哉  
生命之苦過火燭刀割矣蘇長公謂雖入珍之美投箸而不  
忍食此物此志耶周樸園閩小記云余在漳南詢之海上人  
皆云燕啣小魚黏之於石久而成窩有烏白紅三色烏色品  
最下紅色最難得能益小兒痘疹白色能愈痰疾廣東新語  
石島有玳瑁山其洞穴皆燕所巢燕大者如鳥  
撲人年老力弱或致墜崖而死故有多獲者有空手  
者或謂海濱石上有海粉積結如苔燕啄食之吐出為  
紫累巖壁之間鳥人俟其秋去以修竿接鏟取之海粉性  
而為燕所吞吐則暖海粉味鹹而為燕所吞吐則甘其形  
質盡化故可以消痰開胃云凡有烏白二色紅者難得蓋燕  
一名燕蔬香有龍涎菜有燕窩是皆補

疏檢肉  
南皆蔬也

可人煎藥須用陳久者色如

腳名血燕

色紅紫功用相倣性重能達下微鹹

效

假燕窩無邊無毛

或微有邊毛  
皆偽為之

色白

膝添精髓潤皮膚縮小便禦風寒風痺

三日每夜臥時飲一二盞甚能補益令人健力能

土燕似蝙蝠口方食石乳汁

廣志云燕有三種此則上燕乳于巖穴者

白石燕在乳穴石洞中者  
采之堪食餘月止可治病

天鼠矢○瀉散血明目

辛寒肝經血分藥活血消積治目盲障翳

加石決明夜靈散治

雞盲

瘡魅

音奇小兒鬼

驚疳

蝙蝠及矢並治驚

乾血氣痛

經疏云

內外結氣寒能除血熱氣壅明目之外餘皆可略吳鶴皋醫  
方考曰古大每用蟲蟲水蛭治血積以其善吮血爾苦天鼠

矢乃食蚊而化赤也當亦可以攻血積本  
方稱其下死胎則其能攻血塊也何疑  
同鼈甲燒煙辟蚊

蝙蝠矢也食蚊砂皆蚊眼故治目疾淘淨焙惡白微白薇

小兒鬼病以紅紗  
袋盛夜明砂佩之

行血宜止痛

甘溫純陰氣味俱厚入肝經血分通利血脈散血和血血閉

拒通生經多能止用炒治血痺血積血眼血痢腸風崩中諸血

圖經云血運者半  
王未服

心腹氣血一切諸痛除風殺蟲諸痛屬  
於木諸

甘瘡疔蛇蝎蜈蚣傷五靈脂一兩雄黃  
五錢酒調服滓數

者忌用李仲南永類鈴方曰五靈脂  
治崩中非正治之藥乃去風

風襲傷營血以致崩中暴下與荆芥防風  
人識見深遠如此時珍曰此亦一說但未

八肝血虛滯亦自生風之意按衝為血海任主胞胎任  
脈通衝脈盛則月事以時下無崩漏之患且易有子

地也 號蟲天也 即鵲鳴鳥夜鳴求旦夏月毛采五色鳴  
曰鳳凰不如我冬月毛落忍寒而號曰

得過 月鵲不鳴例 月令仲冬之 色黑氣甚臊惡饑心潤澤  
號之名未協

者真研末酒飛去砂石用行血宜生止血宜炒惡人參 油調  
五靈

益精 良 益

氣 藏器曰冬月食之 益精髓暖腰膝縮小便治血

崩帶下 宗爽曰正月以前十月以後宜食之取其陰陽定靜  
未泄也故卵亦取第一番者蘇頌曰今人取雀肉和

蛇牀子熬膏和藥丸補下有效謂之驛馬丸此法起于唐  
世云明皇服之為驗錄治虛寒雀附丸用肥雀肉三四十

枚同附子熬膏丸 不可同李及諸肝食妊婦食之令子多  
藥亦祖此意也

淫凡陰虛火盛者勿食服白朮人忌之 俗呼老而斑者為

麻雀小而黃口為黃雀

八九月羣飛田間體絕肥背有脂如披綿性味皆同可以炙食作鮮甚美

今人以之顛雞蛋肥而可口

頭血治雀盲

人黃昏時無所見如雀目夜盲日日取頭血點之

雀卵補陽益精

酸溫益精血治男子陰痿不起女子帶下便溺不利除疝瘕

陶宏景曰雀利陰陽故卵亦然和天雄服之令莖不衰素問云胸脇肢滿者坊于食病至則先聞腥臊臭出清液先唾血四肢清目眩時時前後血病名血枯得之年少時有所大脫血若醉入房中氣肝傷故月事衰少不爽治之以四烏鰂骨一鹿茹二物之丸以雀卵大如小豆以五丸為後飯飲以鮑魚汁以反傷肝也飯後藥先為後飯本草三藥並不治血枯下用之是攻其所生所起爾時珍曰今人知雀卵能益男子陽虛不知能治女子血枯蓋雀卵益精血

白丁采消積

苦溫微毒治疝瘕積脹疰癖及目翳弩肉癰疽瘡癤咽腐齒

齧

時珍曰雀食諸穀皆易消化故所治諸證皆取

消爛之義也

陰人使雄陽人使雌

臘月采得去兩畔作者鉢中研細以甘草水浸一宿去水

焙乾用

日華曰凡鳥左翼掩右者是雄其尿顛尖挺直雷斃曰凡使勿用雀兒黃雀兒黃口未經淫者也其雀尿

底坐尖在上是雄兩頭圓者是雌時珍曰別錄並用雄雀尿雌雄分用則出自雷氏也

鴿

一名鴿鴿○解毒

鹹平解諸藥毒及人馬久患疥治惡瘡風癬白癩癰瘍風

唯白色者入藥

凡鳥皆雄乘雄鴿獨雌乘雄故其性最淫

卵解瘡毒痘毒尿

名左盤龍

時珍曰野鴿者尤良其尿皆左盤故劉河間宣明方云然

消腹中痞塊癰癥諸

瘡療破傷風及陰毒垂死者人馬疥瘡炒研敷之驢馬和草

飼之消腫殺蟲

頭瘡白禿鴿粉研末傳之先以醋泔洗淨

雞補虛溫中

甘溫屬巽屬木

故動風

補虛溫中

日華曰黑雌雞補產後虛勞馬益卿曰妊婦宜食牡雞取

陽精之全於天也崔行功要方曰婦人產死多是富貴擾攘致產婦驚亂故爾屏人靜產更爛煮牡雞汁煮粳米粥與食自然無恙雞汁性滑而濡不食其肉恐難化也翼雲林醫鑑曰四五年老母雞取湯煮粥食能固胎孟詵曰煎中水燉水腫以黃雌雞一隻如常治淨和赤小豆一升同煮汁飲日二夜一時珍曰黃者上雌者坤象味甘歸脾氣溫益胃故所治皆脾胃之病

謂雞屬土者

所聚雄而母

切故治中惡驚忤

以熱血瀝口塗面吹鼻良本乎天者

親上故塗口眼喎斜用老者取其陽氣充足也能食百蟲訪

治蜈蚣蚯蚓蜘蛛子汁毒 雞子甘平鎮心安五臟益氣補血

清咽開音 凡人之喘雞子略鼓損浸尿缸中三 散熱定驚止

嗽止痢 醋煮之治赤白久痢 安胎利產 胞衣不下吞卵黃二三枚解髮刺喉今吐即下 多食令

人滯悶 今俗每產即啖雞卵然必煮極老極熟方易消化若生而嫩即易停滯 哺雞蛋殼主

傷寒勞腹粉敷下疳麻油調搽痘毒神效 卵中白皮主久

欬結氣 仙傳外科云一人偶含刀在口割舌已垂未斷一人用雞子白皮袋之摻止血藥於舌根血止以蠟化蜜

調沖和膏敷雞子白皮上三日接住乃去皮只用蜜蠟勤敷七日全安若無速效以金瘡藥泰治之此用雞子白皮無他

但取其柔輒而薄 雞肫皮 一名雞內金一名雞胗音皮鴨 甘平性清雞之

脾也能消水穀除熱止煩通小腸膀胱治瀉痢便數遺溺溺

血崩帶腸風隔消反胃小兒食瘡男用雌女用雄 雞屎白



微寒下氣消積通利大小便內經用治蠱脹合米炒治米瘕

醋和塗蚯蚓蜈蚣咬毒

雄雞屎乃有白臘月收之白雞烏骨者更良素問作雞矢醴○小兒緊唇

雞矢白研末敷之有涎易去○牙齒疼痛雞矢白燒末綿裹咬患處立瘥

烏骨雞

補虛勞

甘平雞屬木而骨黑者屬水得水土之精氣故能益肝腎退

熱補虛治虛勞消渴下痢噤口

煮汁益胃

帶下崩中肝腎血分之

病

鬼擊卒死者用烏雞冠血滌口中令嚥仍破此雞揭下○令乃棄之道邊妙

骨肉俱黑者良

舌黑者骨肉俱黑男用雌女用雄

女科有烏雞丸

雞

即野雞○補氣止痢

酸甘微寒補中益氣力止洩痢治蟻瘻○以上原禽類

白鵝血 補虛祛風

鹹平益氣力補虛乏去風益肺

穆天子傳云天子至巨蒐二氏獻白鵝之血飲之益人氣

力也 骨 酥炙入滋補藥

鵝鵝油 一名鵝油 通資外敷

鹹溫滑塗癰腫治風痺透經絡通耳聾

時珍曰海鵝油性走能引諸藥透入病所

拔毒故能治諸癰腫毒諸病

剥取其脂熬化掠取就以其味盛之則不

滲漏他物即透走也

可見其入骨透髓之功然但資外敷不入湯丸

鵝

甘溫有毒發風發瘡火熏者尤毒 鵝血愈噎膈反胃 鵝

卵甘溫補中益氣多食發痼疾

鷺 即鴈。補陰

甘平微鹹入肺腎血分補陰除蒸止嗽利水治熱痢化虛痰

鴨有數種惟毛白而烏嘴鳳頭者為虛勞聖藥白屬西金

黑屬北水故葛可久治癆有白鳳膏時珍曰治水利小便宜用青頭雄鴨取水木生

發之象治虛勞熱毒宜用烏骨白鴨取金水寒肅之象也 老者良 熱血解金銀丹石

礪霜諸毒及中惡溺死者塗蚯蚓蛟瘡 卵其寒鹹除心腹

膈熱多食損人孟詵曰多食發冷氣令人氣短背悶小兒多食脚軟陳士良曰生瘡毒者食之令惡肉突

出不可合龍肉 李子桑椹食 通利小便治水腫 腦取塗凍瘡良

鳧 即野鴨。補氣

甘涼補中益氣孟詵曰九月以後立春以前即中食大益病人全勝家者雖寒不動氣曰 平胃消

食治水利之陽毒風療惡瘡癰

孟詵曰身上有諸小熱瘡年久不愈者但多食之即痊

殺臟腑一切蟲 日華曰不可合胡桃木耳豆豉食

鵝鵝 音義梯俗名油鴨○補氣

甘平補中益氣 一名刁鴨似野鴨而小蒼白文多脂冬月

取之五味煑食甚美 膏滴耳治聾

鷺鷥 補氣

鹹平益脾補氣治虛瘦 一名白鷺

時珍曰鷺水鳥也林棲水食羣飛成序潔白如

雪頸細胸青頂有長毛十數莖如絲炙食良 ○以上水禽類

斑鳩 補氣

甘平益氣助陰陽明目愈噎

范汪東陽方治目有翳鳩丸總錄治目有錦鳩丸倪惟賢氏謂

斑鳩補腎故能明目雞謂鳩能益氣則能明目不獨補腎已爾

性慈孝而拙於爲巢 血

熱飲治蠱

鵲 渴熱通淋

甘寒消結熱治消渴通淋去風及大小腸澀并四肢煩熱胸

膈痰結

入藥用雄

其翼左覆右者是雄又燒毛作屑納水中浮者是雄

○以上林禽

類

豬 肉補

水畜鹹寒療腎氣虛竭狂病久不愈其味雋永食之潤腸胃

生精液豐肌體澤皮膚

其性陰寒陽事弱者勿食能生溼

痰易招風熱傷風寒及病初起人尤爲大忌

其皮有毒頭肉尤甚傷風寒忌

之者以其補肌固表油膩纏黏外邪不能解散也病初愈忌

以腸胃久枯難受肥濃厚味也○按豬肉生痰性風度

忌之如老人燥痰乾咳

以滋潤之不可執泥也

心血用作補心藥之向

心以血導血之意

肝入肝諸血藥用為向

壽丹書云豬臨殺驚氣入心絕氣歸肝皆不

能視溼痰及肝火盛

肚入胃健脾肺補

三肝皆用作諸藥引經

肺治肺虛欬嗽

欬血者燕

腎鹹冷而通腎治腰痛耳聾

今古

補腰腎藥用之頗多

腸入大腸治腸風血痔

膽汁苦入心寒勝熱

滑潤燥瀉肝膽之火明目療疳醋和灌穀道治大便不通

仲景

治陽明證內無熱者便雖秘勿攻故用膽汁外導之法不欲

以苦寒傷胃腑也無已日仲景治厥逆無脈用白通湯加豬

膽汁蓋陽氣大虛陰氣內勝純與陽藥悉陰氣格拒不得入

故加豬膽汁苦人心而通脈寒補肝而和陰不致格拒也

禽獸部

菴曰此亦熱因塞州之義

腦治頭風損男子陽道

脬亦作脬

治遺溺疝

氣

衛生寶鑑云一妓病轉脬小便不通服如鼓一醫令用豬脬吹脹以翎管安上插入尿孔捻脬氣吹入即大尿而

會

脂膏潤燥和腸散風解毒殺蟲滑產

臘月煉淨收用

脊髓補

虛勞之背痛益骨髓以除蒸

蹄煮湯通乳汁

加通草一兩佳

洗敗

瘡懸蹄甲治寒熱痰喘痘瘡入目五痔腸癰

尾血和龍

仙麋能發之時珍曰取其動而不息亦有用心血者○白蹄至此皆用母豬

豬

黃連

時珍曰方有曠連丸黃連豬肚丸豈忌肉而忌曠腑乎○打傷青腫炙豬肉

釘多食

然裏出

酸而鹹溫暖脾胃暖則腰腎受廕矣補虛寒助陽事

兩腎陰  
莖尤勝

狗寶結成狗腹中者專攻翻胃善理疔疽 屎中粟米起

痘治噎 屎中骨治寒熱小兒驚癇 氣壯多火陽事易舉

食之令子無聲熱病後食之殺人道家以犬為

犬益脾黑犬補腎他色者不宜用也反商陸

畏杏仁惡蒜

羊補虛勞

甘熱屬火補虛勞益氣力仲景治虛羸瘵勞有當歸羊肉湯凡形氣痿弱者俱宜食之壯

陽道開胃健力通氣發瘡 羊食毒草凡瘡家及癩疾者食

之即發宜忌之 青羊肝色青補肝而明目 膽苦寒點風

淚眼赤障白翳臘月入蜜膽中紙套籠住懸簷下待霜出掃取點眼又入蜜膽中蒸之候乾研為膏每含



少許或點之名二百味草花膏以羊食百草蜂採百花也時珍曰肝開竅於目膽汁減則目暗目者肝之外候膽之精華也故諸膽皆治目病肺通肺氣止欬嗽利小便腎益精助陽肢

結成羊腹中者除翻胃角明目殺蟲血主產後血運悶絕生飲

丹石礬硫一切諸毒生飲即解乳補肺

燥治反胃消渴口瘡舌腫含蜘蛛咬傷有

腎而補骨燒灰擦牙良時珍曰羊脰骨灰可以磨鏡羊

錢米飲下肉肝青荻羊良牡羊曰膽青羯

白荳羊良子曰羔羔反半夏菖蒲忌銅器及醋

傷日青腫用新羊肉貼之傷日青腫羊肉煮熟炙之

牛補脾土

甘溫屬土安中補脾益氣止渴

倒倉法用牝黃牛肉二十觔洗淨煮為糜濾去滓熬成

珀色前一晚不食至日空服坐密室取汁每飲一鍾少時又飲積數十鍾寒月溫飲如病在上則吐在下則利在中則吐

利利

必渴即飲已溺以滌餘垢飢倦先與米飲二日與粥軟飯將養一月沉痾悉除矣須斷房事半年

漢曰牛坤土黃中色肉胃藥液無形之物也積如山折之處豈銖兩丸散所能窺犯乎肉液

如洪水泛漲一切凝滯皆順流而去矣

中非吐下藥

補亦奇方也乳味甘微寒潤腸胃解熱

氣補

噎膈

胃槁胃冷脾不磨食故氣逆而成氣血不足其本也曰痰飲曰瘀血曰食

積其標也胃槁者滋血生津胃冷者溫中調氣東垣曰上焦

吐者由乎氣治宜和中而降氣中焦吐者由乎積治宜行氣

而消積下焦吐者由乎寒治宜溫中而散寒丹溪曰反胃噎

膈大便燥結宜牛羊乳時時燕之兼服四物湯為上策不可

服人乳人乳有五味之毒七情之火也訥菴曰噎膈不通服

本草從新

牛黃

十

禽獸部

牛乳加韭汁或薑汁或陳酒為佳江南與司患  
噤口痢粒米不進鄭真一令服牛乳久之亦瘥乳餅一名乳

腐力稍遜之酥酪醍醐皆牛羊乳所作滋潤滑澤宜於血熱

枯燥之人 白水牛喉治反胃吐食腸結不通  
除兩頭去脂 膜醋浸炙未

每服二錢 陳米  
深遇 補中填骨髓久服增年 筋補肝強筋

### 老病及自死之牛服之損人

### 利痰涼驚通竅辟邪治中風入臟驚癇口噤

中風不語按中風真中者少類中者多中臟者重多滯九  
竅中腑者輕多著四肢若外無六經形證內無便溺阻隔為  
中經絡為又輕初宜順氣開痰繼宜養血活血不宜顧用風  
藥大抵五臟皆有風而犯肝者為多肝屬風木而主筋肝病  
不能榮筋故有舌強口噤咽斜癱瘓不遂不仁等證若口開

為心絕手撒為脾絕眼合為肝絕遺水為腎絕吐沫鼻衄為肺絕髮直頭搖面赤如妝汗綴如珠者皆不治或止見一證猶胃可治者

小兒胎毒痰熱諸病發痘瘡胎 東垣曰牛黃入肝

中風人臟者用以入骨追風若中腑中經者誤用之反

入麴莫之能出

今世中風有平素積虛而一時驟脫者景岳以非風名之

吼喚以盆水承之伺其吐出迫喝即墮

更大重疊可揭

時珍曰牛有病在心肝膽之間凝結成黃故還以治

心肝膽

云牛食百草其精華凝結成黃猶人之有痰解毒為世神物或云牛病乃生黃者非

也輕虛氣香者良

觀此則非病乃生黃矣

殺死角中得者名角黃心中

者名心黃肝膽中者名肝膽黃成塊成粒總不及生者但磨

指甲上黃透指甲者為真

駱駝黃易得能亂真

產陝西者最勝廣中者

力薄得牡丹菖蒲良人參為使惡常山地黃龍膽龍骨

黃明膠 即牛皮膠○補陰

甘平補陰治諸血證及癰疽潤燥通大便 時珍曰其性味平補宜於虛熱之人

陳白明曰 用牛皮膠去風用驢皮膠經驗方云癰疽初一兩服盡毒不內攻唐氏方加川山甲四片

其制作須精今市中膠物之膠不堪用底

生薑汁化開調南星末塗上便毒初起水膠溶化塗之即散

補肝滋腎補陰止血去瘀除風化痰潤燥定喘利

大小腸治虛勞欬嗽肺痿吐膿吐血衄血血淋血痔腸風下

痢 傷暑伏熱成痢者必用之 腰痠骨痛血痛血枯經水不調崩帶

胎動或妊娠下血酒煎服及一切風病藏器曰諸膠皆能療風諸虛止

皮煎膠取其發散皮膚之外用烏者癰疽腫毒士瀉曰小兒

取其屬水以制熱則生風之義也驚風後瞳神

正者以阿膠倍人參服最良阿膠育神人參益氣也按阿膠水伏流其性趨下用攪濁水則清故治痰濁及逆上

肺、腸要藥胃弱作嘔吐脾虛食不消者均忌

皮阿井水煎成以黑光帶綠色頓之易化清而不膩

者良蛤粉炒化痰蒲黃炒止血酒化水化童便和用得火

錢良山藥使畏大黃月水不止阿膠炒焦為末酒服二錢妊

鹽湯瀉殺蟲

辛寒殺蟲治反胃噎膈須熱飲之張文仲隨身備急方云昔患反胃奉敕調治竟不能療一衛士

本草卷五  
鹽湯 白馬溺 虎骨  
三 禽獸部

云服驢尿極驗送服二合只吐一半再服二合  
食粥便定官中患反胃者五六人同服之俱痊

肉甘涼補

血益氣治遠年勞損煮汁空心飲療痔引蟲

白玷風用驢尿  
薑汁等分和勻

頻洗

白馬溺

瀉殺蟲消癥

殺蟲破癥積治反胃

祖台之志怪云昔有人與奴皆患  
心腹痛病奴死剖之得一蟲向活

藥投口中不死有人乘白馬觀之馬溺墮蠶而蠶縮遂  
在之即化成水主乃服馬溺而愈反胃亦有因蟲積者故

治

馬溺辛苦冷有毒不宜食煮汁洗頭瘡白禿夏○以

虎骨

宜去風健骨

虎骨

辛溫屬金而制木故嘯則風生追風健骨定痛辟邪治風痺

拘攣疼痛驚悸顛癇犬齧骨哽

為末水煎大敵救患處

以頭骨脛骨

良虎雖死猶立不仆其氣力盡在前脰時珍曰凡辟邪疰治驚癇瘧瘧瘧頭風當用頭骨治手足風當用脛骨治腰脊風

脊骨各

肚治反胃

取生者存洋穢勿洗新瓦固煨存性為末入平胃散一兩每服三錢

於食隔若寒隔

睛為散竹瀝下治小兒驚癇

夜視爪主辟邪殺鬼肉酸平益氣力止多唾療惡心欲

三十六種精魅入山虎見畏之

象皮外金瘡長肌肉

象肉壅腫以刀刺之半日即合治金瘡不合者用其皮灰亦

可熬膏入散為合金瘡之要藥長肌肉之神丹

燒灰和油敷下疳神效

犀角瀉心胃大熱



苦酸鹹寒涼心瀉肝清胃中大熱祛風利痰辟邪解毒治傷

寒時疫發黃發斑

傷寒下早熱乘虛入胃則發斑下遲熱而胃中亦發斑

吐血下血畜

血發狂痘瘡黑陷消癰化膿定驚明目

時珍曰五臟六腑皆稟氣於胃風邪熱毒

必先干之飲食藥物必先入胃角犀之精華所聚足陽明胃藥也

補子云犀食百草之毒及棘故能解毒飲食有毒以角攪之白受公路北戶錄云凡中毒箭以犀角刺瘡中立愈

一非大熱者不敢輕服妊婦服之能消胎氣 烏

角尖尤勝

鹿取茸犀取尖其精氣盡在是也

現成器物多被蒸

入藥入湯劑磨汁用入丸散剉細紙裏納懷中待熱

之立碎

歐陽修歸田錄云人氣粉犀

升麻爲使忌鹽

熱利下鮮血犀角地榆生地等分爲

去蜜丸彈子大每服一丸

水一盞煎半盞去滓溫服

熊膽瀉熱

苦寒涼心平肝明目殺蟲治驚癇五痔

塗之取瘰

實熱則宜虛

通明者佳

性善辟塵撲塵水上投膽米許即開

肉補虛羸

掌禦

力

火

苦鹹寒

火而羚羊屬木入足厥陰

肝

手太陰少陰經

肺

目為肝之清肝故明目去障肝主風其合在筋祛風舒筋故

治驚癇搐搦骨痛筋攣肝藏魂心主神明瀉心肝邪熱故治

狂越僻謬夢魘驚駭肝主血散血故治瘀滯惡血血痢腫毒

相火寄於肝膽在志為怒

經曰大怒則形氣絕而血菀於上

下氣降火故治

傷寒伏熱煩滿氣逆食噎不通鈴之性靈而精在角故又辟

邪而解諸毒

今痘科多用以清肝火

性寒能伐生生之氣無火熱勿

用 出西地似羊而大角有節最堅勁能碎金剛石與獐骨

獐音麥能食鐵

宿汚患以角掛樹而棲

角有掛紋者真一邊有節而疎乃山驢山羊非鈴也

明亮而

黑者良多兩角一角者更勝剉研極細或磨用

鹿茸 大補

七歲溫添精補髓暖腎助陽健骨生齒治腰腎虛冷四肢痠

痛頭眩眼黑一切虛損勞傷小兒痘瘡乾回

同人參用妙

鹿角

初生長二三寸分歧如鞍紅如瑪瑙破之如朽木者良

太妓者血

氣未足無力

酥塗灼去毛微炙

不塗酥則傷茸

亦有酒炙者不可嗅之有

蟲恐入鼻額 獵人得鹿繫之取茸然後斃鹿以血未散也最難得不破未出血者

鹿角

鹹溫生用則散熱行血消腫 醋磨塗腫毒為末酒服治新傷

藥久不愈者御當用溫藥如鹿角灰髮 辟邪治夢與鬼交服

一撮鬼精即出能 逐陰中邪氣惡血 熬膏練霜則專滋補益腎生精血強骨壯

腰膝 筆談云凡含血之物血易長筋次之骨最難長故人二

長無 凡血比 珍曰鹿乃仙獸純陽多壽能通督脈又食良草

故其角肉食之有益鹿一名斑龍西蜀道士常貨斑龍丸歌

補玉堂閣下穴蓋 鹿蛟鹿相交之精也設法取之大補虛

勞 鹿筋主勞損續絕 鹿肉甘溫補中強五臟通脈益氣

鹿角 鹿角 麋角 麝香 禽獸部

力 按上焦有痰熱胃家有火吐血屬陰衰火盛者俱忌

造膠霜法取新角寸截河水浸七日刮淨桑火煮七日入醋

少許取角擣成霜用其汁加無灰酒熬成膠用畏大黃乳發初起

不治殺人鹿角磨濃汁塗之并  
令人中風水隨手即散神效

麋茸麋角

功用與鹿相倣而溫性差減熊氏禮記疏云鹿是山獸屬陽情淫而遊山夏至得陰氣而解

角從陽退之象麋是澤獸屬陰情淫而遊澤冬至得陽氣而解角從陰退之象也蘇東坡良方云補陽以鹿角為勝補陰

以麋角為勝時珍曰鹿補右腎精氣麋補左腎血液 鹿角堅而麋角鬆鹿角小而麋

角大鹿角單而麋角雙 皮作靴襪除腳氣

麝香 宣通竅

辛溫香竄開經絡通諸竅透肌骨治卒中諸風諸氣諸血諸

痛痰厥驚癇

歲用和酒生方云中風不醒者以麝香清油灌之先通其關唐德宗貞元廣利方中惡客忤垂

死麝香一錢醋和灌之

癰疽瘡癤鼻塞耳聾目翳陰冷辟邪解毒殺蟲

墮胎壞果敗酒治果積酒積

東垣曰麝香入脾治內牛黃入肝治筋冰片入腎治骨

走竄飛揚內透骨髓外徹皮毛東垣云搜骨髓之風若在肌

肉者誤用之反引風入骨丹溪云五臟之風忌用麝香以瀉

衛氣故證屬虛者槩勿施用必不得已亦宜少用勞怯人及

孕婦不宜佩帶 研用凡使用當門子尤妙忌蒜不可近鼻

防蟲入腦

麝見人捕之則自剔出其香爲生香尤難得其香聚處草木皆黃市人或挖荔枝核偽之

貓胞

本草從新

藥性 藥類 藥用

六

卷十六

甘酸溫治反胃吐食

燒灰入硃砂末少許壓舌下甚效

尿

以薑或蒜擦牙鼻或生葱在鼻

中即遺出治蜉蝣諸蟲入耳滴入即出

肉治勞疰鼠瘻蠱毒

涎治瘰癧

刺破塗之

豬獾

古名獾音端

甘酸平捷肌肉

瘦人和五

食宗夷曰野

治上氣虛乏效

逆勞熱

和五味煮食

水脹久不瘥

垂死者作羹食之下水大效聖惠用粳米葱豉作粥食

服

丹石動熱下痢赤白久不瘥

煮肉露一宿空腹和醬食一頓即瘥

狗獾

一名天狗

甘酸平補中益氣宜人小兒疳瘦殺蝥蟲宜噉之功與獾同

兔屎

一名明月砂○宣明目殺蟲

原缺



甘微寒治傷寒勞復發熱男子陰易腹痛

婦人傷之初愈即與交接毒中男人

名陰易若女人與傷寒男子交者名陽易活人有鼠矢湯

兩頭尖者為雄鼠矢

膽明

白汁滴耳中治老聾肉治兒疳鼠瘻

河間曰鼠性善穿而治瘡瘻因其性為用

也蛇骨刺人

痛甚用死鼠燒灰敷之

猬皮

古之藥一名刺蝟○瀉涼血

苦平治胃逆

宗爽曰開胃氣有功其字從虫從胃淡有理焉

腸風瀉血五

傳燒末油調敷水

服亦佳陰腫

煨黑存性

肉甘平理胃氣治反胃令人能食

煮汁飲又主瘦脂滴耳治聾

膽點痘後風眼

似鼠而

圓大褐色擯毛外刺如栗房○以上鼠類

本草從新卷十七目錄

蟲魚鱗介部 化生類五種

桑蟲

蟬蛻

螻蛄

蜚蠊

蝨蟲

卵生類十一種

蜂蜜

露蜂房

蟲白蠟

五倍子

桑螵蛸

百殭蠶

原蠶砂

斑貓

蠍

冰蛭

糞蛆

溼生類四種

蟾蜍

田雞

蜈蚣

白頸蚯蚓

有鱗類十八種

鯉魚

鰕魚

鮠魚

青魚膽

勒魚

鱸魚

白魚 鰕魚 鰕魚 嘉魚 魴魚 石首魚

鮓魚 鮓魚 鮓魚 魴魚 鮓殘魚 金魚

無鱗類十五種

鱧魚 鰻鱺 鰻魚 鰻魚 海鰩 海蛇

鰕 海鰕 海馬 河豚 帶魚 鯊魚翅

鱈魚 鱈魚 海參

龍類四種

龍骨 龍齒 蛟鯉 蛤蚧

蛇類四種

蛇蛻 蚺蛇膽 白花蛇 烏梢蛇

龜鼈類三種

龜板

鼈甲

蟹

蛤蚌類十六種

牡蠣

蛤粉

蚌粉

蜆粉蜆肉

眞珠

石決明

蛭

魁蛤

淡菜

田螺

螺蛳

海螵

吐鐵

江珧柱

西施舌

利殼片

本草從新

目錄

七

卷十七

本草從新卷十七

蟲魚鱗介部

化生類

龍類

卵生類

蛇類

溼生類

龜鼈類

有鱗類

蛤蚌類

無鱗

桑蟲

古名桑蠹蟲又名桑蝎○宣祛風

甘溫有毒

時珍曰蝎化天牛有毒蟻蟻化蟬無祛風治障翳

瘰癧小兒驚風口瘡風疳婦人崩中漏下赤白墮胎下血產

後下痢今人多用以發痘

景岳曰桑蠹亦名桑蠹不知創自何人用以發痘子嘗遍考本草及

痘證諸書俱所不載及審其質性不過為陰寒溼毒之蟲爾

惟其有毒所以亦能發痘惟其寒溼所以最能敗脾願發痘

不從氣血而從毒藥此與掘苗者何異矧其淫毒侵脾弱穉

何堪故每見多服桑蠹者毒發則唇膚俱裂脾敗則泄瀉不

止人但見痘證之死而不知其敗在蟲毒也前之既覆後可

鑒矣其柰蒙蒙者率猶長夜之不醒何子欲呼之用斯代拆

而并咎夫作俑者之可恨洛按桑蠹能祛風而走竄經絡其

性大約與穿山甲相近故均能發痘然起發不由根本元氣

為毒所傷今人治痘無不用之其為害不知若干人矣吾鹽  
馮楚瞻有錦囊秘錄其書龐雜淺鄙全無足取內有云大桑  
蟲有人參之功噫此黃口小兒之言也何物匪才敢無知妄  
作耶○桑蟲即桑蠶蟲別錄曰華蜀本藏器時珍俱所收載  
何景岳以為不載耶但並未言其  
治痘痘證諸書從未有用之者 蟲矢功用略同 俱燒

存性研末酒調

按牛蝨咬血例比蝨蟲尤非痘家所宜而世習用之傷人多矣

蟬蛻散風熱

土木餘氣所化吸風飲露其氣清虛而味甘寒故除風熱其

體輕浮故發痘疹其性善蛻故退目翳催生下胞其蛻為殼

故治皮膚瘡瘍癰疹

與薄荷等分為末酒調服

其聲清亮故治中風失音

又晝鳴夜息故止小兒夜啼

蚱蟬治小兒驚癇夜啼殺疳

去熱出胎下胞

時珍曰治皮膚瘡瘍風熱當用蟬蛻治臟腑經絡當用蟬身各從其類也

蟬類

甚多惟大而色黑者入藥洗去泥土翹足漿水煮曬乾

痘後目翳

羊肝湯下

蛻末一錢

螻蛄通行水

鹹寒有毒通便而二陰皆利逐水而十種俱平貼瘰癧頗效

化骨哽殊靈

隱居曰自腰以前甚澀能止二便自腰以後甚利能通二便

治水甚效但

其性急虛人戒之 去翅足炒

蜚蠊

一名地蠃蟲○瀉破血

鹹寒有毒去血積搗剔極周主折傷補接至妙煎含而木舌

冰消水服而乳漿立至

仲景有大黃蜚蠊丸以其有攻堅下血之功也

虛人有瘀

斟酌用之 畏皂莢菖蒲

蜚蟲 一名蜚蟲○渴破血

苦寒有毒攻血遍行經絡墮胎只在須臾

青色入肝專噉牛馬之血仲景用以

逐血因其性而取用者也

非氣足之人實有畜血者勿輕與

去足翅

炒惡麻黃○以上化生類

蜂蜜

俗名蜂糖生巖石者名巖蜜亦名石蜜○補中潤燥滑腸

採百花之精英合露氣以釀成生性涼能清熱熟性溫能補

中甘而和故能解毒柔而滑故能潤燥甘緩可以去急故止

心腹肌肉瘡瘍諸痛甘緩可以和中故能調營衛通三焦安

五臟和百藥而與甘草同功止嗽治痢

解毒潤腸最治痢疾用薑汁和服甚佳

明目悅顏同薤白搗塗湯火傷煎煉成膠通大便秘

乘熱納穀道中



名蜜煎導

大腸虛滑者雖熟蜜亦在禁例酸者食之令人心煩

同慈食害人食蜜飽後不可食鮮令人暴亡白如膏者良

汪穎曰蜜以花為主閩廣蜜熟川蜜溫西蜜涼安宣州有黃連蜜味小苦點目熱良西京有梨花蜜色白如脂用銀

石器每蜜一觔入水四兩桑火慢熬掠去浮沫至滴水成珠

用黃蠟甘淡而澀微溫止痛生肌療下痢蜜質柔性潤故滑腸胃蠟質堅

性澀故止瀉痢續絕傷蜜與蠟皆蜂所釀成而蜜味至甘蠟味至淡故今人言無味者謂之蜜蠟

露蜂房此解毒殺毒

甘平有毒治驚癇癰瘰附骨癰疽根在臟腑和蛇蛻亂髮燒灰酒服按附骨

疽不破附骨成膿故名不知者誤作賊風治附骨疽痛處發熱四體乍熱乍寒小便赤大便秘而無汗瀉熱發散則消賊

風痛處不熱亦不發寒熱覺身冷塗瘰癧成瘻炙研豬脂和塗止風

蠱牙痛

煎水含漱時珍曰陽明藥也取其以毒攻毒兼殺蟲之功爾

敷小兒車舌

燒灰酒和敷舌

下口

其用以毒攻毒癰疽潰後禁之

取露天樹上者

洗

煎用治瘰癧腫醋調塗

蟲白蠟

生肌長肉

甘溫生肌止血定痛補虛續筋接骨

丹溪曰白蠟屬金受收

藥與合歡皮同入長肌肉膏中用之神效

蟲食冬青樹汁久而化為白脂黏敷

樹枝至秋刮取以水煮溶濾置冷水中則凝聚成塊

入以和油澆燭

大勝蜜蠟○唐宋以前澆燭入藥所用白蠟皆蜜白蠟也此蟲白蠟則自元以來人知之今則為日用物矣○頭上禿瘡

白蠟頻塗勿令日曬久則自然生髮

五倍子

一名文蛤○清飲肺

酸澀能斂肺鹹寒能降火生津化痰止嗽止血斂汗日焙研

極細以自已漱口水調敷臍上治盜汗如神 解酒療消渴泄痢瘡癰五痔下血脫

肛膿水溼爛子腸墜下散熱毒消目腫煎水洗之斂瘡口熱散瘡口自斂

其色黑能染髮丹溪曰倍子屬金與水喻之善收頑痰解熱

味五倍故而降之醫學綱目云王元珪虛而滑精屢與加味

四物湯吞河間秘真丸及真珠粉丸不止後用五倍子一兩

茯苓二兩丸服逐愈此則倍子斂瀉之功敏於龍骨蛤粉也

一瀉一收是以能盡其妙也 嗽由外感瀉非虛脫者禁用 生鹽膚木

上乃小蟲食汁遺種結毬於葉間故主治之證與殼輕脆而

中虛可以染皂或生或炒搗末用煎後下血五倍子末艾湯

接傷動者以末搽之 百藥煎 功與五倍子不異但經造釀其體輕

虛其性浮收且味帶餘甘治上焦心肺欬痰飲熱渴諸病  
含噙尤爲相宜 用五倍子爲粗末每一觔以真茶一兩煎

濃汁入醇糟四兩搗爛拌和器盛置糠缸中罾之待發起如

發麪狀即成矣捏作餅丸曬乾

風熱牙痛百藥煎泡湯噙漱

桑螵蛸

補腎

甘鹹平入肝腎命門益精氣而固腎治虛損陰痿夢遺白濁

血崩腰痛傷中疝瘕

肝腎不足

通五淋縮小便

能通故能縮腎與膀胱表裏腎得

所養氣化則能出腎氣既固則水道安常故又能縮也寇宗

奭治便數有桑螵蛸散桑螵蛸茯苓神遠志菖蒲人參當歸龍

骨龍甲等分爲末以時人參湯

下二錢能補心安神亦治健忘 炙飼小兒止夜尿 螳螂卵

也須用桑樹上者

一生九十九子用一枚即傷百命仁人君子聞之且當慘然况忍食乎○房長寸許

有子如下芒種後齊出故月令仲夏螳螂生也如  
用他樹者以桑皮佐之桑皮善行水能引達腎經  
煮湯泡煨用或蒸透再焙畏旋覆花 螳螂能出箭簇螳螂一箇

巴豆半箇研敷傷處微癢且忍極癢乃摠拔之以黃連又治  
貫衆湯洗石灰敷之楊氏方用螳螂簇出後敷生肌散

驚風古方治風多用螳螂  
螳螂治風同一理也

白蟻輕宜去風化痰

鹹辛平蟻而不腐得清化之氣故能治風化痰散結行經蠶病

風日蟻故因以治風其氣味俱薄輕浮而升入肺肝胃三經  
能散相火逆結之痰

治中風失音頭風齒痛喉痹咽腫炒為末薑湯調下丹毒瘡

癢皆風熱為病癰癤結核痰瘡血病崩中帶下風熱乘肝小兒驚疳膚

如鱗中由氣血虛亦名胎垢煎湯浴之下乳汁減癥之口諸證由於血虛而

無風寒客邪者勿用 以頭蠶色白條直者良糯米泔浸一

日待桑涎浮出焙乾去絲及黑口擣用惡草薺桔梗茯苓桑

蠶蛸

一切風痰白直蠶蛸七箇細研薑湯調灌之酒後飲蜜調末服一錢

蠶蛹 炒食治風及勞瘦為末飲服治小兒疳瘦長肌肉退

熱除虻蟲煎汁飲止消渴研敷癰瘡惡瘡

吳瑞曰繅絲後蠶子今人食之呼小

蜂已川思過曰刺犬敵者終身忌食發則難免

蠶繭甘溫能瀉膀胱相火引清氣

上朝於口止消渴

蠶與馬並屬午為離主心作繭退藏之癰故繅絲湯飲之能抑心火而治消渴

疽無頭者燒灰酒服

服一枚出一頭二枚出二頭

原蠶砂

燥溼去風

蠶食而不飲屬火性燥燥能去風勝溼

經曰燥勝風燥屬金風屬木也其砂

辛日而溫炒黃浸酒治風溼為病支節不隨皮膚頑癬腰腳

冷痛冷血瘀血炒熱熨患處亦良

寇氏日醇酒三升拌蠶砂五斗蒸熱鋪暖室席上令

患冷風氣痺人以患處就臥厚覆取汗不愈明日再作但須防昏悶

麻油調敷治爛弦風眼上

下更屬脾脾有風澤則蟲生弦爛又新瓦炙為末少加雄黃麻油調敷治蛇串瘡有人食烏梢蛇渾身變黑漸生鱗甲見

者驚縮鄭真一令日服晚蠶砂五錢盡一二斗久之乃退

二蠶矢也淘淨曬乾 原雄

蠶蛾氣熱性淫主固精強陽

蛇虺咬傷用生二蠶蛾研敷之

玳瑁一名斑蝥○大瀉以毒攻毒

辛寒有毒外用蝕死肌敷疥癬惡瘡內用破石淋拔癰癰疔

腫

楊登甫云癰癰之毒莫不有根大抵治以斑蝥地膽為主制度如法能使其根從小便出如粉片血塊腐肉此其驗

也以木通滑石燈心輩導之○斑蝥捕得屋射臭不可聞故顯走下竅直至精溺之處能下敗物痛不可當用須調和

下痢犬毒

九死一生之候急用斑蝥七枚去頭翅足糯米炒黃為末酒煎空心下取下小約三四十枚如數少

再服又方糯米一斗斑蝥廿一枚分三次炒至清煙為度去

登取米為粉冷水入清油少許空心下取利下毒物如不利

再進愈後忌聞鐘鼓聲復發則不可治服潰肉之則爛墮胎

之吐痛急者用蒜汁或黃連水解其毒

斑蝥青葛上亭長地膽四蟲形色不同功略相近食荒花

為玩青青綠色尤毒春生食葛花為亭長黑身赤頭夏生食

豆花為斑蝥斑色秋生冬入地為地膽黑頭赤尾

陶隱居云乃一物而四時變化者皆極毒須慎用 豆葉上

蟲黃黑斑文去頭足糯米炒熟生用則吐瀉人亦有用米取

氣不取質者畏丹參巴豆惡豆花甘草

蠍宜去風

甘辛有毒色青屬木故治諸風眩掉皆屬驚癇搐掣口眼喎

斜白附蠶蠶全蠍等分為末瘡疾風瘡耳聾帶疔厥陰風木

名正散酒服二錢甚效



之病東垣曰凡疝氣帶下皆屬於風似中風及小兒慢脾風

病屬於虛者法咸禁之全用謂之全蠍去足焙尾名蠍梢

其力尤緊人被螫者塗蠍牛即解緊小者良

水蛭即馬蟻○瀉破血

鹹苦平有毒治瘀血積聚染鬚極效能引藥力倒上至根用水蛭為細末以龜尿調

然鬚梢自赤白丹腫毒初生竹筒合晒有功○誤吞生者入腹生子嘔血腸痛瘻黃以

田泥調水飲數杯必下也或以炒枯黃耆石灰鹽

牛羊熱血同豬脂飲之亦下一名五穀蟲○瀉熱療疳

寒治熱病謔妄毒痢作吐小兒疳積疔瘡漂淨曬乾或炒

或煨為末○以上卵生類

蟾蜍 一名癩蝦蟆○瀉療疔拔毒

蟾土精而應月魄辛涼微毒入陽明胃退虛熱行淫氣殺蟲

驅治瘡疽發背

未成者用括蟾蜍繫瘡上半日蟾必昏憤置水中按其命再易一個三易則毒散矣勢重

者刮蟾蜍合瘡上不久必臭不可聞如此二三易其腫自愈

小兒勞瘵疔疾

蟾酥辛溫

有毒治發背疔腫小兒疳疾腦疳

即蟾除眉間白汁能爛人肌肉惟疔毒或服二三厘

取其以毒攻毒外科多用之蟾蜍肪塗玉刻之如蟾

頭功同蟾蜍

田雞

一名鼃○解熱毒利水

甘寒解勞熱熱毒利水消腫饌食調疳瘦補虛損尤宜產婦

擣汁服治蝦蟆瘟病

戴原禮證治要訣云凡渾身水腫或單腹脹者以青鼃一二枚去皮炙食之則

自消也嘉謨云天行面赤項腫名蝦蟆瘟以金絲鼃擣汁水調空腹頓飲極效曾活數人燒灰塗月蝕瘡

蜈蚣 宜去風

辛溫有毒入厥陰肝經善走能散治臍風撮口炙末豬乳調服驚痛

瘰癧蛇癥能制蛇瘡甲趾甲內惡肉突出俗名雞眼睛蜈蚣焙研敷以南星末醋調敷四圍殺蟲

墮胎 取赤足黑頭者火炙去頭足尾甲將薄荷葉火煨用

畏蜘蛛被敵者捕蜘蛛置敵處自吸其毒蜘蛛死放水吐而活之 蜈蚣不敢過所行之路觸着即死

雞屎桑皮鹽中其毒者以桑汁鹽蒔塗之

白頸蚯蚓 搗熱行水

蚓土德而星應軫水味鹹寒故能清熱性下行故能利水治

溫病大熱狂言大腹黃疸腎風腳氣蘇頌曰腳氣必須用之為使 治大

熱并水調下入藥或曬乾為末或鹽化為水或微炙或燒灰

中其毒者 蜣蚓泥即蜣甘寒瀉熱解毒治赤白久痢敷小

兒陰囊熱腫腫腮丹毒○以上溼生類

鯉魚 通行水

甘平下水氣利小便治欬逆上氣脚氣黃疸妊娠水腫古方有鯉

魚湯鯉魚粥河間曰鯉之治水 骨燒灰療魚骨哽 膽苦

寒益志明目乳服作羹治崩漏痔瘡取其行滯血也

鱖魚 一名鱖魚○溫中

甘溫溫中益氣多食令人熱中發渴又發瘡疥凡下毒魚藥捕來者食之

皆損人又旱乾水少所 捕旱魚有熱毒最損人

鮠魚 俗名草魚○暖胃

甘溫暖胃和中

李廷飛云能殺諸瘡

青魚膽

瀉熱治目疾

苦寒瀉熱治目疾點眼消赤腫隨翳含燕吐喉痺痰涎塗火

熱瘡療魚骨哽 臘月收陰乾 肉甘平益氣力治腳氣腳

弱煩悶

同韭白煮

勒魚

開胃暖中

甘平開胃暖中作鮓尤良 魚腹有硬刺勒人故名

鱸魚

補利水

甘平有小毒

孟詵食療本草曰中其毒者蘆根汁解之掌禹錫嘉祐補註本草曰多食發疔瘡腫不可同

乳酪食李廷飛云肝 補五臟益筋骨和腸胃治水氣作鮮尤

不可食剥人面皮

良曝乾甚香美

南郡記云吳人獻松江鱸膾於隋楊帝帝曰金齏玉鱸東南佳味也

一名四

鰓魚出吳中

白魚

補利水

甘平開胃下氣去水氣

金匱有滑石白魚散

令人肥健

或醃或糟藏

皆可食

孟詵曰炙食少動氣鮮者多食亦泥人經宿者勿食令人腹冷吳瑞日用本草曰多食生痰與棗同食患

腰痛

一名鱖魚

鰓魚

補勞殺蟲

甘平補虛勞益脾胃去瘀殺蟲

時珍曰按醫說云越州邵氏女年十八病勞瘵累年偶食

鰓魚羹遂愈觀此正與補勞益胃殺蟲之說相符則仙人劉憑隱士張志和之嗜此魚非無謂也

鰓魚

溫中止嘔

甘平食之已嘔暖中益胃

一名鰾魚

其性獨行故曰鰾詩云其魚鰾鰾是也

一名鮓魚

健而難取吞啗同類池中有此不能畜魚東山經云姑兒之水多鮓魚是也

嘉魚

補腎治勞

甘溫治腎虛消渴勞瘦虛損

一名鮓魚

音未

一名丙穴魚

嘉魚

乃乳穴中小魚常食乳水所以益人任昉益州記云嘉魚二三月隨水出丙穴入九月逆水入丙穴范成大虞衡志云嘉魚狀如鱗而多脂味極美杜甫詩云魚知丙穴由來美是也

鮓魚

開胃

甘平開胃利五臟肥健人與百藥無忌

石首魚

補調胃

甘平開胃益氣

合蓴菜作羹良

白鰻主中惡消宿食炙食能消瓜

成水治暴下痢及卒腹脹不消

陸文量菽園雜記云痢疾最忌油膩生冷惟白煮宜食此

說與本草主下痢相合蓋煮飲鹹水而性不熱且無脂不膩故無熱中之患而消食理腸胃也時珍曰煮能養人人恒想之故字從養羅願云諸魚薶乾皆為煮其美不及石首故獨得專稱白煮若露風則變紅色失味也

魚鰾暖

精種子 首中有石故名又名江魚黃花魚

甜人生者用石首煮骨插蒂上

一夜便熟動

煮骨亦然

鮓魚

補虛勞

甘平補虛勞

甯源食鑑本草云蒸下油以瓶埋地中取塗湯火傷甚效初夏時有餘月則無故名袁達禽蟲

述云鮓魚冒網而不動護其鱗也不宜烹煮唯以筍莧芹荻之屬連鱗蒸食乃佳其鱗與他魚不同石灰水浸過曬乾層

層起之以作女人花錫甚良

鮓魚

補益氣力



甘平益氣力令人肥健

子有毒食之令人利下

鯽魚

補土和胃

甘溫諸魚屬火獨鯽屬土土能剋水故有和胃實腸行水之

功

作鮓食治腳氣及上氣

忌麥冬芥菜沙鮓豬肝

子調中益肝氣

凡青魚鯽魚子皆去日中障翳

魴魚

一名魴魚○調胃利腸

甘溫調胃氣利五臟和芥食之能助肺氣去胃風消穀作鮓

食之助脾氣令人能食作羹臠食宜人疳痢人勿食

鱠殘魚

一名銀魚

甘平作羹食寬中健胃

金魚

甘鹹平治久痢及噤口痢○以上有鱗類

鱧魚

通利水祛風

甘寒祛風下水療五痔治溼痺利大小腸治妊娠有水氣

膽凡膽皆苦獨鱧魚帶甘喉痺將死者點入卽瘥病深者水

調灌之

俗名烏魚卽七星魚

首有七星夜朝北斗道家謂之水族雁爲天厭犬爲地厭

眞西山衛生歌云雁行有序犬有義黑魚拱北知臣禮人無禮義反食之天地鬼神皆不喜心鏡云鱧魚一觔以上和多

瓜蒞白作羹

治十種水氣

鰻鱺

補虛殺蟲

甘平去風殺蟲

蟲由風生故風字從虫

治骨蒸勞瘵溼痺風瘙陰尸蝕

癢補虛損 其骨燒煙蚊化爲水薰竹木辟蛙蟲置衣箱辟  
諸蠹 海鰻鱓功用相同 血瘡疹入眼以少許點之

鰻魚 宜去風

甘大溫補五臟除風溼 尾血療口眼喎斜 少和麝左喎塗  
右右喎塗左正

卽洗 滴耳治耳痛滴鼻治鼻衄點目治痘後生翳 時珍曰鰻  
善穿穴與

蛇同性故能走經絡療風邪及諸竅  
之病風中血脈用血主之從其類也 頭治百蟲入耳 燒研  
綿裹

之塞

鰻魚 俗名泥鰻○調中益氣

甘平暖中益氣醒酒解消渴同米粉煮羹食調中收痔煮食

療陽事不起

海螵蛸一名烏賊骨○宜通血脈祛寒溼

鹹走血温和血入肝腎血分通血脈祛寒溼治血枯內經血枯治之

以烏骨止吐衄腸風崩漏經久虛瀉痢腹痛環臍陰蝕腫痛燒未

酒服瘡證疳蟲口翳淚出聾耳出膿性能燥膿收水為未加麝少許摻入厥陰少

陰肝腎經病肉酸平益氣強志益人通月經出東海亦名

墨魚腹中有墨書字逾年乃減常吐黑水取骨魚肉浸炙

黃惡附子白芨白薇能淡鹽舌腫出血如泉蒲黃等分為細末塗之跌破出血烏賊骨末敷

海蛇瀉消積血

鹹平治婦人勞損積血帶下小兒風疾丹毒湯火傷劉敬叔異苑云

療河魚之疾

鰕 補陽

甘溫托痘瘡下乳汁吐風痰

中風證以鰕半觔入薑葱醬料水煮先喫鰕次喫汁以鵝翎探

引吐出痰涎

隨證用藥

肚陽道

有毒動風熱

海鰕

祛風殺蟲

甘鹹平治飛尸虻蟲口中甘蠶螭齒頭瘡去疥癬風癢溼癢

療山蚊子入人肉初食瘡發則愈 同豬肉食令人多唾

海馬

補溫腎

甘溫暖水臟壯陽道消癰塊治疔瘡腫毒婦人產難及血氣

痛

時珍曰雌雄成對其性溫暖有交感之義故產難及陽虛房中方術多用之如蛤蚧即君子之功也

河豚

補虛

甘溫有大毒

宗奭曰修治失法食之殺人厚生者宜遠之時珍曰煮忌煤焙落中與荊芥菊花桔梗甘草附

子烏頭相反宜荻筍萆薢薤白菜畏橄欖甘蔗蘆根較耕錄云食河豚一日內不可服湯藥恐犯荊芥二物大相反子親見

一人因此喪命河豚子必不可食曾以水浸之一夜大如芡實世傳中其毒者以橄欖及冰片浸水皆可解又一方以槐

花微炒與乾膳脂等分同擣粉水調灌之大妙又按物類相感志言凡煮河豚用荊芥同煮五七沸換水則無毒二說相

反得非河豚之毒入於荊補虛去溼氣理腰腳去痔疾殺蟲芥耶寧從陶說庶不致悔

伏礪砂 肝及子尤毒

帶魚

補臟

甘溫補五臟去風殺蟲 作養尤良

鯊魚翅

補肺

甘平補五臟尤有益於肺臟清金滋陰補而不滯味甚美食

品珍之 肉亦肥美補五臟甚益人 一名鮫魚

鱈魚 補虛益氣

甘平有小毒

食療本草云味雖美而發諸藥毒動風氣發一切瘡疥久食令人心痛腰痛服丹石人忌之勿

與乾荀同食發癰瘰癧風小兒食之發欬嗽及癰瘰

補虛益氣令人肥健煮汁飲治血

淋

一名王鮪

月令云季春薦鮪於寢廟故有此名

鱈魚

利五臟

甘平有小毒

說曰發氣動風發瘡疥和蕎麥食令人失音甯原食鑑本草曰多食生熱痰時珍曰服荊芥藥

忌利五臟肥美人

一名鱣魚

亦鱈屬也

海參

補腎

甘鹹溫補腎益精壯陽療痿

遼海產良

周樸園問小記云閩中海參色獨白

類持以竹簽大如掌與膠州遼海所出異味亦淡劣海土人復有以生革偽為之以愚人不足尚也膠州所出生北海鹹水中色又黑以佐腎水從其類也 有刺者名刺參無刺者名光參○以上無

鱗類

龍骨

精回陽鎮驚

甘瀉平入手足少陰心手陽明足厥陰肝能收斂浮越之

正氣瀉腸益腎安魂鎮驚辟邪解毒治多夢紛紜驚癇瘡痢

吐血崩帶滑精脫肛大小腸利固精止汗定喘氣不歸元則喘斂瘡

皆瀉以止脫之義十劑曰瀉可去脫牡蠣龍骨之屬是也白地鋪紋舐之粘

舌者良出晉地川谷及梁益巴中今河東州郡多有之剡州滄州太原者為上此乃已成龍形無雲雨之助不得

升天而自謝者人或以古礦灰偽之 酒浸一宿水飛三度或酒煮酥炙火煨亦有



生用

者 忌魚及鐵畏石膏川椒得人參牛黃良

許洪本草指南云牛黃惡龍骨

而龍骨得牛黃反畏有以制伏也

龍骨辟邪治心病

龍齒

瀆鎮驚

瀆平鎮心安魂治大人驚癇癩疾小兒五驚十二癇

許叔微云肝藏

魂能變化魂飛不定者治之以龍齒衛生寶鑑曰龍齒安魂虎精定魄龍屬木主肝肝藏魂虎屬金主肺肺藏魄也

修治同龍骨

鯢鯉

一名穿山甲○宜通經絡

鹹寒有毒善竅

喜穿山

顯能行散通經絡達病所

某處病即用某處之甲

入厥陰陽明

肝胃

治風溼冷痺通經下乳消腫潰癰止痛排膿

和傷發痘風瘡瘡科須為要藥

以其穴山入水故能出入陰陽貫穿經絡達於營分以破

結邪故用爲使以其食蟻又治蟻瘻有婦人項下忽腫一塊漸延至

有道人曰此蟻漏也緣飯中偶食蟻得之用穿山甲燒存性

爲末敷之立愈多能鄙事云油龍透漏刺甲裏肉壓投入自

至謁處補住永州記云不可於隄岸殺之恐血入性猛用

土則隄岸滲漏觀此二說其性之走竄可知矣

宜斟酌癰疽已潰痘瘡挾虛大忌如蠶而小似鯉有足尾

甲力更勝或生或燒酥炙醋炙童便炙油煎土炒蟻漏不止穿山甲二

七枚燒灰豬脂調敷入耳中燒研水調灌入

蛤蚧補肺潤腎定喘止嗽

鹹溫補肺潤腎益精助陽治渴通淋定喘止嗽肺痿咯血氣

虛血竭者宜之能補肺益水上源時珍曰補肺止渴功同人參益氣扶羸功同羊肉欬嗽由

風寒外邪者勿用出廣南首如蟾蜍背綠色斑點如錦紋

雄為蛤

鳴聲亦然因聲而鳴

皮粗口大身小尾粗雌為蚘皮細口尖身

大尾小雌雄相呼屢日乃交兩兩相抱捕者擘之雖死不開

房術用之甚效不論牝牡者只可入雜藥口含少許奔走不

喘者真藥力在尾

見人捕之輒自咬斷其尾尾不全者不效

凡使去頭足

雷斅曰其毒在

眼須

洗去鱗目砂土及肉毛酥炙或蜜炙或酒浸焙

喘嗽面浮法製

一對三五錢化蠟四兩和作六餅每用一化糯米薄粥內熱呷

○以上龍類

蛇蛻

輕宜去風毒

甘鹹性靈而能辟惡故治鬼魅蠱毒性能去風故治驚

癩風瘡重舌

聖惠方燒未數

喉風性毒而能殺蟲故治疥癬惡瘡疔

腫痔漏屬皮而性善蛻故治皮膚瘡瘍產難目翳

用白色

本草從新

蛇蛻 蚰蛇膽 白花蛇

去

蟲部 卷十七

如銀者皁莢水洗淨或酒或醋或蜜浸炙黃或燒存性或鹽

泥固煨

小兒口緊不能開合飲食不語即死燒灰敷良

蚰蛇膽

瀉熱明目護心

蚰稟已土之氣膽屬甲乙風木氣寒有小毒其味苦而帶甘

涼血明目療疳殺蟲主厥陰太陰病

肝木脾土

肉極膜美主治

略同

取膽粟許置水上旋行極速者真

能護心止痛受杖時喻之杖多不死

白花蛇

宜祛風瘰

甘鹹溫有毒蛇善行數蛻如風之善行數變花蛇又食石楠

石楠辛苦治風

故能內走臟腑外徹皮膚透骨搜風截驚定搐治風

溼癰瘰大風疥癩

馬志開寶本草云治中風口眼喎斜半身不遂

走鼠有毒唯真

有風者宜之若類中風屬虛者大忌

經疏云前證多緣陰虛血少內熱而發與得血

風溼者殊科白花蛇非所宜也宜辨

凡服蛇酒藥切忌見風

出蘄州龍頭虎

口黑質白花脇有二十方勝紋腹有念珠斑尾有佛指甲雖

死而眼光不枯他產則否頭尾尤毒各去三寸亦有單用頭

尾者酒浸三日去盡皮骨

有大毒

大蛇一條只得淨肉四兩得

火良

頭治癰風毒癩

烏梢蛇

宜戒風溼

功用同白花蛇無毒而力淺性善不噬物眼光至死不枯

以尾細能穿百錢者佳重七錢至一兩者上十兩至一鎰者

中大者力減去頭與皮骨酒煮或酥炙○以上蛇類

龜板補腎陰

鹹寒至陰屬金與水補心資智益腎滋陰性靈故資智通治心入腎以滋陰

陰血不足勞熱骨蒸腰腳痠痛久瀉久痢能益大腸久嗽痰瘧老瘧

也或經數年中結瘕瘕崩漏五痔產難為末酒服或加芎歸煅髮陰虛血

弱之證益陰清熱故治之時珍曰龜鹿皆靈而壽龜首常藏向腹能通任脈故取其甲以補忌補腎補血以養陰

也鹿首常返向尾能通督脈故取其角以補命補精補氣以養陽也雖腎虛而無熱者勿用

大者力勝自死敗龜良得陰氣更全也酥炙或酒炙醋炙豬脂炙煨灰

用若入丸散須研極細否則恐著人腸胃變為瘕也洗淨搗碎水浸三日用桑柴熬

膠補陰之力更勝合鹿膠一陰一陽名龜鹿二仙膏惡沙參 龜尿走竅透

骨染鬚髮治啞聾以鏡照之龜見其影則淫發而尿出今人或以豬鬃松毛刺其鼻溺亦出龜胸

龜背以尿摩之

鼈甲補陰退熱

鹹寒屬陰色青入肝治勞瘦骨蒸往來寒熱溫瘧瘡母瘡必暑邪

類多陰虛之人日久不愈元氣虛羸邪陷中焦則結為瘡母鼈甲能益陰除熱而散結故為治瘡要藥 腰痛脇

堅血癥痔核鹹能軟堅經阻產難腸癰瘡腫驚癇斑痘厥陰血分

之病時珍曰介蟲陰類故皆補陰○龜色黑主治皆腎經龍色青主治皆肝經同屬補陰實有分別肝無

熱者忌 色綠九肋重七兩者為上醋炙若治勞童便炙亦

可熬膏 鼈肉涼血補陰亦治瘡痢煮作羹食加生薑沙糖不用鹽醬名鼈飽湯

冷而難消脾虛者大忌 惡蟻石忌莧菜雞子

蟹瀉散血

本草從新

藥性

大

卷十七

鹹寒有小毒除熱解結散血通經續筋骨

骨節脫離者生搗熱酒調服數碗渣

塗半日骨內谷谷有聲即好乾蟹燒灰酒服亦好

塗漆瘡

能敗漆

性寒傷中敗胃動

風大傷陰血孕婦食之令兒橫生

中其毒者搗藕節熱酒調服

蟹爪墮

胎

產難及子死腹中者服蟹爪湯即出

○以上龜鼈類

牡蠣

瀉腸補水較堅

鹹以軟堅化痰消癰癥結核老血痕疔瘡以收脫治遺精崩

帶止嗽斂汗

或同麻黃根為粉撲身或加入煎劑

固大小腸微寒以清熱補水

治虛勞煩熱溫瘧赤痢利溼止渴為肝腎血分之藥

好古曰以柴胡

引之去脇下硬聚引之消頸核大黃引消股間腫以

虛而

地黃為使益精收溼止小便利以貝母為使消結積

熱者宜之有寒者禁與海氣化成潛伏不動

故體用皆陰

鹽水



煮一伏時煨粉亦有生用者貝母爲使惡吳萸細辛麻黃得

蛇牀遠志牛膝甘草良

肉名蠣黃

味美且益人爲海錯上品

蛤粉精

與牡蠣同功

蛤蚧肉鹹冷止渴解酒

文蛤背有花紋兼

能除煩渴利小便

大抵海物鹹寒功用略同江湖蛤蚌無鹹水浸漬但能清熱利溼不能軟堅

治

口鼻中蝕疳

蚌粉清溼熱

鹹寒解熱燥溼化痰消積明目療疳治反胃心胸痰飲

米飲調服

除溼腫水嗽

類編方蚌粉新瓦炒紅入青黛少許用淡薑水清麻油數點調服二錢

止痢并嘔

逆塗癰腫

調

搽陰瘡溼瘡癩痒

肉鹹冷除熱止渴去溼解

酒明目去赤治下血血崩帶下痔瘻取汁點眼赤眼暗良

蜆粉蜆肉

與蚌同功生蜆肉浸水洗痘瘡無痕痕○蜆粉塗一切瘡瘡

真珠瀉熱定驚

甘鹹寒感月而胎語云上巳有風梨有水精所蘊水能制火

入心肝二經鎮心安魂肝藏魂訖菴曰雖云瀉熱亦藉其寶氣也大抵寶氣多能鎮心熱魂如金

箔琥珀真珠之類龍齒安魂亦假其神氣也墜痰拔毒收口生肌治驚熱痘疔下

死胎胞衣珠末一兩苦酒服點目去翳膜綿裹塞耳治聾陸佃卑雅曰蛤蚌

陰陽牝牡須雀化成故能生珠類一於陰精也病不由火熱者忌之取新潔未

經鑽綴者乳浸三日研粉極細如飛麴珠體最堅不細傷人臟腑

石決明

瀉肝熱明目

鹹涼除肺肝風熱內服療青盲內障外點散赤膜外障亦治

骨蒸勞熱通五淋

能清肺肝

愈瘍疽

多服令人寒中

如小蚌

而扁惟一片無對七孔九孔者良鹽水煮一伏時或麴裹煨

熟研粉極細水飛惡旋覆肉與殼同功

蛭

補陰

甘鹹寒補陰主熱痢煮食之去胸中邪熱煩悶飯後食之與

丹石人相宜治婦人產後虛熱

魁蛤

一名瓦楞子○瀉消癥散痰

甘鹹平消老痰破血癖

燒過醋淬醋九服治一切血氣冷氣癥癖

其殼似瓦屋

之壘故又名瓦屋子火煨醋淬研 肉炙食益人過多即塞

氣

淡菜 補陰

甘鹹溫補五臟益陽事理腰腳氣治虛勞傷憊精血衰少及

吐血久痢腸鳴腰痛婦人帶下產後瘦瘠又能消癭氣

田螺 寫熱

味甘大寒利溼清熱止渴醒酒利大小便 能引熱下行類編載熊彥誠病前後

不通腹脹如鼓遇一異人曰此易爾即入水得一大螺曰事

濟矣以鹽和殼擣碎吊繫臍下一寸三分即著然暴下歸訪

異人不 治腳氣 仇遠稗史載董守約以腳氣攻注或教搥黃

見矣 疳疔口毒痢 用螺加少麝擣餅烘熱貼目熱赤痛入鹽花取

臍下引熱下行自然思食

搽痔瘡狐臭敷癰瘰潰破

連殼燒存性香油調搽

螺螄一名蝸贏○瀉熱

甘寒明目下水止渴醒酒解熱利大小便消黃疸水腫治反

胃痢疾脫肛痔漏

殼瀉溼熱

主治痰飲積及胃脘痛反胃膈氣痰嗽鼻淵脫

肛痔疾瘡癰下疳湯火傷

時珍曰螺乃蛤蚌之屬大抵與蚌粉蛤粉蛭蚬之類同功合而觀之

自可神

泥中及牆壁上年久者良火煨

凡煨螺蚌蠣蛤之灰墜田則草死而

禾茂若川糞壅田則禾草皆茂

海螄瀉熱

鹹寒治癰癥結核胸中鬱悶不舒

比螺螄身細而長殼有

旋紋六七屈頭上有厖初春蛭起石海岸石壁海人設網於

下一掠而取治以鹽酒椒桂

吐鐵

補陰

甘酸鹹寒補肝腎益精髓明目

產寧波者大而多脂

鄞縣

南田者為第一閩中者肉醃礪無脂膏不中食○沈雲將食物本草會纂曰吐鐵海中螺屬也有如指頭大者則有脂如凝膏自其殼中吐出膏大於本身光明潔白可愛如蘇人享客佐下酒小盤為海錯上品一名麥螺一名

梅螺

江珧柱

消食

甘鹹微溫下氣調中利五臟療消渴消腹中宿食令人能食

易饑

產四明奉化者佳

異物名記云厥甲美如瑤玉肉柱唐寸名江珧柱厖本峻閩中海錯

疏曰江珧殼色如淡菜上銳下平大者長尺許肉白而刺柱  
圓而曉沙蛤之美在舌江珧之美在柱○劉侗嶺表錄作海  
月者誤也海月  
圓如鏡見後

西施舌 補陰

甘鹹平益精潤臟腑止煩渴 生温州海泥中似車螯而唇

常吐肉寸餘類舌故名 屠木峻曰沙蛤上匙也產吳航似蛤

疏曰海錯出東四郡者以西施舌為第一蠔房

次之西施舌本名車蛤以美見謚產長樂灣中  
蚶殼片 瀉溼熱

鹹大寒煎湯洗鶴膝風有效鍛研為粉塗溼爛瘡如神 嶺表錄異

云海月廣人呼為膏藥兩片合而成形殼圓中甚瑩滑白照  
如雲母殼內有小肉如蚌蛤腹中有蟹子甚小飢則蟹出食  
蟹飽亦飽近之以火則蟹走出離腸腹立斃或生剖之則蟹  
子活在腹中逸逸亦斃屠木峻曰海月形圓如月亦謂之蠔

鏡上人多磨礪其殼使之通明鱗次以蓋天窗嶺南謂之海  
鏡又曰明瓦按此卽海月殼也一名瑯瑤郭璞所謂瑯瑤腹  
蟹謝靈運詩有掛席拾海月者是也時珍以此作江瑤柱誤矣  
○以上蛤蚌類



本草從新卷十八目錄

人部 十四種

髮

牙齒

人中黃

金汁

人中白

童便

秋石

乳汁

月水

口津唾

人氣

初生臍帶

人胞

人骨

本草從新卷十八

人部

髮 一名血餘。補陰

苦平入足少陰厥陰

肝腎

補陰消瘀治諸血病

能去心竅之血故亦治驚癇

血痢血淋舌血

茅根湯服

鼻血

吹小兒驚熱

合雞子黃煎為汁

服雞子能去風痰合

諸藥煎膏涼血去瘀長肉胎髮尤良補衰涸

經曰腎者精之處其華在髮王

冰註云腎主髓腦者髓之海髮者腦之華腦髓減則髮素時

珍曰髮者血之餘埋之土中千年不朽以火煨之氣成血質

煎之至枯復有液出誤吞入腹化為癥蟲煨

入罐固煨存性

牙齒

宜發痘

髮

牙齒

人中黃

人部

鹹熱有毒治痘瘡倒靨痘疹論出不快而黑陷者積毒血稠

酒調服○齒者骨之餘得下一錢服涼藥而血迴倒陷者麝香

陽剛之性痘家劫劑也 伏毒在心昏冒不省及氣虛白

癢熱癩紫泡之證止宜補虛解毒誤用之多成不治 煨退

人中黃 瀉熱

甘寒人胃清痰火消食積大解五臟實熱治陽毒熱狂痘瘡

血熱黑陷不起 傷寒非陽明實熱痘瘡非紫黑乾枯均禁

用竹筒刮去青皮納甘草末於中亦有用阜 緊塞其孔冬

月浸甕缸中至春取出洗懸風處陰乾取末

金汁 一名糞清

主治同人中黃 用椶皮棉紙上鋪黃土淋糞濾汁入新甕  
碗覆埋土中一年清若泉水全無穢氣勝於人中黃年久彌  
佳

人中白

又名溺白堊。降火清痰。

鹹涼降火散痰治肺痰鼻衄勞熱消渴痘瘡倒陷牙疳口瘡  
陽虛無火食不消腸不實者忌之 以蒙館童子便桶及  
山中老僧溺器刮下者尤佳新瓦火煅過

童便

一名還元水飲自己溺名迴輪酒。降火清痰。

鹹寒能引肺火下行從膀胱出乃其舊路降火滋陰甚遠潤

肺清痰

鹹走血

治肺痿失音吐衄損傷

凡跌打損傷血悶欲死者以熱尿灌之下咽即

醒一切金瘡受杖並宜用之不傷臟腑若用他藥恐無療者反致誤人也

胞胎不下皆散瘀之功凡產後血運敗血入肺陰虛火嗽火熱如療者惟此可以治之後

勞極論云降火甚速降血甚神。按此物雖臭穢敗胃猶勝寒涼諸藥

禁忌同人中白取十二歲以前童子少知識無相火不食葷腥去頭尾取中間一段清

微如水者用當熱飲熱則真氣尙存其行自速冷則惟有鹹

寒之性土材曰煉成秋石真元之氣漸失不及童便多矣或入薑汁行韭汁散冬月

用湯溫之

秋石補腎水潤三焦

鹹平滋腎水潤三焦養丹田安五臟退骨蒸輒堅塊治虛勞

欬嗽白濁遺精爲滋陰降火之藥煎煉失道多服誤服反

生燥渴之患

鹹能走血且經煅煉中寓暖氣使虛陽妄動則真水愈虧

秋月取童便每

缸用石膏七錢桑條攪澄傾去清液如此三次乃入秋露水

攪澄

故名秋石

如此數次滓穢淨鹹味減以重紙鋪灰上曬乾刮

去在下重濁取輕清者為秋石世醫不取秋時雜收人溺以

皁筴水澄曬為陰煉火煅為陽煉盡失於道安能應病况經

火煉性卻變溫耶

腫脹忌鹽只以秋石拌飲食佳。秋石再研入罐鐵蓋蓋定鹽泥固濟升打升起蓋

上名秋冰味淡而香乃秋石之精英也

乳汁

補虛潤燥

甘鹹

時珍曰人乳無定性其人和平飲食沖淡其乳必平其

忌乳最有毒小兒食之吐瀉成疳魅之病內亦損胎須禁之

潤五臟補血液止消渴澤皮

乳汁

二 人部

膚清煩熱理噎膈悅顏利腸

老人血枯便秘尤宜

眼科用點赤澀多淚

熱者黃連浸點。本血所化日得血而能視

虛寒滑泄胃弱者禁服乳與食同

進卽成積滯發瀉

時珍曰乳乃血化生於脾胃攝於衝任未受孕則下爲月水既受孕則畱而養胎已

產則變赤爲白上爲乳汁此造化立微之妙卻病延年之藥也洛按乳性純陰能滑腸膩膈淫脾惟陽實陰虛而無滯者宜之若陽虛或有滯者非所宜也丹溪曰人乳有五味之毒七情之火不若服牛乳爲穩

取首生男兒

無病婦人之乳白而稠者佳若黃赤清色氣腥穢者不用或

暴曬用茯苓粉收或水頓取粉尤良

無滑腸淫脾膩膈之患

頓乳取粉

法小鍋燒水滾用銀瓢如碗大

錫瓢亦可

傾乳少許入瓢浮滾水

上頓再浮冷水上立乾刮取粉再頓再刮如攤粉皮法

須旋用久

則油雞須用一婦人之乳爲佳乳雜則其氣雜。乳粉參未等分蜜丸名參乳丸大補氣血。牛噉蛇者毛髮向後食其

肉殺人飲人乳一升立愈  
百蟲入耳人乳滴之即出

# 月水

鹹熱而毒

寓意草中言服紅鉛傷腹其熱而毒可知解毒箭  
士材曰服紅鉛而熱者飲童便人乳即解

并女勞復

月經衣治金瘡血湧出

炙熱熨之

又治虎狼傷及箭

簇入腹

俱燒灰酒服方寸匕日三

素問謂之月經又謂之天癸邪術家

謂之紅鉛

時珍曰女子陰類也以血為主其血上應太陰下  
應海潮月有盈虧潮有朝夕月事一月一行與之

相符故謂之月水月信月經經者常也有常軌也天癸者天  
一生水也邪術家謂之紅鉛謬名也女人之經或先或後或  
通或塞者其病也復有變常而古人並未言及者不可不知  
也有行期只吐血衄血或眼耳出血者是謂逆行有三月一  
行者是謂居經俗名按季有一年一行者是謂避年有一生  
不行而受胎者是謂暗經有受胎之後月月行經而產子者  
是謂盛胎俗名垢胎有受胎數月血忽大下而胎不墮者是  
謂漏胎此雖以氣血有餘不足言而亦異於常矣女子二七



天癸至七七天癸絕其常也有女年十二十三而產子如楮  
記室所載平江蘇達卿女十二受孕者有婦年五十六十而  
產子如遼史所載亟普妻六十餘生二男一女者此又異常  
之尤者也學醫者之於此類恐亦宜畱心焉○女人入月惡  
液腥穢故君子遠之謂其不潔能損陽生病也煎膏治藥出  
痘持戒修煉性命者皆避忌之以此也博物志云扶南國有  
奇術能令刀所不入惟以月水塗刀便死此是穢液壞人神  
氣故合藥忌觸之此說甚爲有據今有方士邪術鼓弄愚人  
以法取童女初行經水服食謂之先天紅鉛巧立名色多方  
配合謂參同契之金華悟真篇之首經皆此物也愚人信之  
吞嚥穢滓以爲秘方往往發出丹癰殊可歎惡按蕭子真金  
丹詩云一等旁門性好淫強陽復去採他陰口含天癸稱爲  
藥似恁洩沮枉用心嗚呼愚人觀此可以自悟矣又邪術家  
以童女矯揉取乳及造反經爲乳諸說巧立名謂以弄貪愚  
此皆妖人所爲王法所誅君子斥之可也○士材濫誇紅鉛  
卻病延年乃不經之說也○男子陰瘡因不忌月事陰物潰  
爛用室女血納瓦上燒  
存性研末麻油調敷之

# 口津唾

甘鹹平辟邪魔鬼最畏唾。東陽方云凡人墜死不得叫呼但痛徹腳跟及拇指甲際多唾其面徐徐喚之自消腫毒明眼目時珍曰津乃精氣所化人能每旦漱口擦齒以津洗目及常時以舌舐拇指甲。滑目久久令人光明不昏又能退翳凡人有雲翳但每日悅令人以舌舐數次久則真氣熏及自然毒散而翳退矣。肌膚五更未語之唾塗腫輒消拭目去障。嚙入丹田則固精而制火修養家嚙津謂之清水灌靈根人能終日不唾收視返聽則精氣常凝客顏不槁若久唾則損精神成肺病皮膚枯涸故曰遠唾不如近唾近唾不如無唾也。○嚙津不得法最易成痰亦宜知也。

### 人氣

主治下元虛冷日令童男女以時隔衣進氣臍中甚良凡人身體骨節痺痛令人更互呵熨久久經絡通透又鼻衄金瘡嘔之能令血斷時珍曰醫家所謂元氣相火仙家所謂元陽真火一也天非此火不能生物人非此火不

能有生故老人虛人與二七以前少陰同寢藉其薰蒸最爲  
有益世甫詩云暖老須燕玉正此意也世不可行淫以喪精  
促生爾近時術家合童女以氣進入鼻於臍中請門以通三  
田謂之接補此亦小法不得其法長以致疾接漢書云太  
醫史循宿禁中寒痼病發求火不得衆人以此口更噓其背至  
旦遂愈異苑云孫家奚奴治虎傷蛇螫垂死者以氣禁之皆  
安又抱朴子云從子至巳爲生氣之時從午至亥爲死氣之  
時常以生氣時鼻中引氣入多出少閉而數之從九九八八  
七七六六五五而止乃微吐之勿令耳聞習之既熟增至千  
數是爲胎息○凡驟脫之證急令童男女以口接氣甚妙老  
人陽氣驟脫身冷息微內服回陽藥復令壯盛踏人數  
人臥於牀將病人臥在數婦人身上作褥頭有得生者

初生臍帶

主治止瘡解胎毒

燒末飲服

敷臍瘡

臍帶功用不過如上

近日庸醫

妄名之爲坎氣用以大補氣血不知出於何典

人胞

一名紫河車一名混沌皮○大補氣血

甘鹹溫本人之血氣所生故能大補氣血治一切虛勞損極  
虛損一損肺皮槁毛落二損心血脈衰少三損脾肌肉消脫  
四損肝筋緩不收五損腎骨痿不起六極曰氣極血極筋極  
肌極骨極精極恍惚失志癲癇病由膀胱虛者尤宜用取其以胞  
以初胎無病婦人而色紫者良有胎毒者害人以銀器插入  
無之流水洗極淨酒蒸焙乾研末或煮爛搗碎入藥如新氏  
損其精汁。崔行功小兒方云胞衣宜藏天德月德吉方深  
埋緊築若為猪狗食令兒癲狂蟲蟻食令兒瘡癬鳥雀食令  
兒惡死棄火中令兒瘡癩近社廟井竈街巷皆有所忌此亦  
銅山西崩洛鐘東應自然之理以之炮炙入藥食其同類不  
顧損人長厚者弗忍聞也

# 人骨

主治骨病接骨癰瘡並取焚棄者

時珍曰古人以掩暴骨為位徒每獲陰報而方伎之

流心乎利欲乃收人骨爲藥餌仁術固如此乎且犬不食犬  
骨而人食人骨可乎父之白骨惟親生人刺血認之卽滲入  
又西湯雒祖云荊州一人損脛張七政飲以藥酒破肉去骨  
一片塗膏而愈二年復痛張曰所取骨寒也尋之尚在牀下  
以湯洗綿裏收之其痛遂止氣之相應如此孰謂枯骨無知  
乎仁者當悟矣。今人甚有合胎骨丸而賣者尤非焚棄之  
骨可比况有胎毒在內服之必至傷生洛日擊其受害者不  
可枚舉矣。○今之用人骨者大抵乘人家焚棺之後掇拾殘  
骸以射利因憶顧寧人曰知錄中有關火葬一則時附錄於  
人骨條下。○如謂家業蕭然葬具莫辦則卽如孔子之說懸  
棺而窆可也懸棺而窆謂掘地成坎下棺而葬也。○縱使身  
沒遠方力難歸葬卽葬於其地若延陵季子之葬子雖曰非  
禮。○縱或遺命久厝不過亂命爲子孫者正當自發良心曲  
將孝思何得謬爲順從妄云遺命當遵耶。○魏文帝終制略  
曰漢氏諸陵無不發掘乃至燒取玉之金鏤骸骨并盡是焚  
如之刑也。○周禮秋官掌戮凡殺其親者焚之。○大表經云  
燼葬之慘乃饕民之流禍也。○日知錄又云宋以禮教立國  
而不能革火葬之俗於其亡也乃有楊璉真伽之事。○自葬  
之俗盛行於江浙日宋時已有之宋史紹興二十七年監登  
聞鼓院范同言今民俗有所謂火化者生則奉養之具惟恐

不至死則燭熱而捐棄之國朝舊令貧無葬地者許以官地  
安葬韓琦鎮并州以官錢市田數頃給民安葬至今以爲美  
談然則承流宣化使民不畔於禮法正守臣之職也事關風  
化理宜禁止仍飭守臣措置荒閒之地使貧民得以收葬從  
之景定二年黃震爲吳縣尉乞免再起化人亭狀日照對本  
司久例有行香寺日通濟久爲焚人空亭以罔利愚民悉爲  
所誘親死卽舉而付之烈燄餘骸不化又以之深淵哀哉斯  
人何辜而遭此身後之大戮耶震久切痛人微位下欲  
言未發乃五月六日夜風雷驟至獨盡撤其焚人之亭而去  
之意者穢氣彰聞冤魂共訴皇天震怒爲絕此根越明日據  
寺僧發覺陳狀爲之備中使府蓋亦幸此亭之壞爾案吏何  
人敢受寺僧之囑行下本司勒令監造震竊謂此亭爲焚人  
之親設也人之焚其親不孝之大者也此亭其可再也哉謹  
按古者自小殮大殮以至殯葬皆辟踊爲遷其親之尸而慟  
之也況可得而火之耶舉其尸而界之火慘虐之極無復人  
道雖蚩尤作五虐之法商剝爲炮烙之刑皆施之生前未至  
戮之死後也展禽謂夏父弗忌必有殃旣葬焚煙徹於上或  
者天實災之然謂之殃則內可知也楚子期欲焚麋之師子  
西戒不可雖敵人之尸猶有所不忍也衛侯掘諸師定子之  
墓焚之平莊之上殆自古所無之事田單守卽墨之孤邑積

人骨

七

人部

五年思出萬死一生之計以激其民故襲用其毒誤燕人掘  
齊墓燒死人齊人望之涕泣怒十倍而齊破燕矣然則焚其  
先人之尸爲子孫者所痛憤而不自愛其身故田單出此說  
計以誤敵也尉佗在粵聞漢鼎虜其先人冢陸賈明其不然  
與之要約亦曰反則掘燒王先人冢爾舉至不可聞之事以  
相恐非忍爲之也尹齊爲淮揚都尉所誅甚多及死其冢欲  
燒其已尸亡去歸葬說者謂其尸飛去夫欲燒其尸仇之深  
也欲燒之而尸亡是死而有靈猶知燒之可畏也漢廣川王  
去送唐無道其姬昭信共殺幸姬王昭平王地餘及從婢三  
人殺昭信病夢昭平等乃掘其尸皆燒爲灰去與昭信旋亦  
誅死王莽作焚如之刑燒陳良等旋亦誅滅東海王越亂管  
石勒剖其棺焚其尸曰亂天下者此人吾爲天下報之夫越  
之堅固直至此亦石勒之酷而忍爲此也王敦叛逆有司出  
其尸於瘞焚其衣冠斬之所焚猶衣冠爾唯蘇峻以反誅焚  
其骨楊元感反隋亦掘其父素冢焚其骸骨慘虐之門既開  
因以施之極惡之人然非治世法也隋爲仁壽宮役夫死道  
上楊素焚之上聞之不悅大注刑如隋文且不忍焚人則痛  
莫甚於焚人矣將元暉潰亂宮闈朱全忠殺而焚之一死不  
足以盡其罪也然殺之者常刑焚之者非法非法之虐且不  
可施之誅死之罪人况可施之父母骨肉乎世之施此於父

母骨內者又拾其遺燼而棄之水則未誅太子劭逆黨王鵠  
鵠駭道盲既焚而揚灰於河之故智也慘益甚矣而或者以  
焚人爲佛法然聞佛之說戒火自焚也今之焚者戒火耶人  
火耶自焚耶其子孫耶佛者異端之教吾徒所宗異教耶正  
道耶有識者爲之痛惋久矣今通濟寺僧焚人之親以罔利  
傷風敗俗莫此爲甚天幸廢之何可興之望台慈矜生民之  
無知念死有之何罪備勝通濟寺風雷已壞之焚人亭不許  
再行起置其於哀死恤終實非小補然自宋以來此風日盛  
國家雖有漏澤園之設而地窄人多不能徧葬相率焚燒名  
曰火葬習以成俗謂宜每里給空地若干爲義塚以待貧民  
之葬除其租稅而更爲之嚴禁焚其親者以大不孝罪之庶  
禮教可興民俗可厚也○漏澤園之設起於蔡京不可以其  
人而廢其法

國朝康熙十四年海寧邑侯許三禮嚴禁火化申勸各鄉保  
置義塚隨近埋葬因易名爲仁孝大園許侯序略云今人寧  
日火化嫌入義塚爲其近於無主者此殆知人本乎祖不知  
萬物本乎天之義天與人一理也萬物與天一體也亦何嫌  
之有今合四境之骸共爲首邱卽本天本地之義但就其望  
所立石分別死安而生安仁昭而義廣爰名曰仁孝大園夫



亦可以憬然悟翻然改矣地必加拓資必加助廣爲申勸於  
樂善好施之家其舊隱佔之地勸實清還更嚴立爲界不致  
再混按許候此政挽頽除弊有關聖朝風化卽推之天下  
萬世無不可行者故并附紀於末所望於後之良牧踵之而  
舉行